

सानसेयारि "बड'सा" ख्रीरालाइयाव  
समाज्यादि जिज्जो लोब्बा थावाय रायथाय, रान्थाय,  
सल', सल'बाथा आरु दावबायादि थावनि, पार्क  
बाइदिनि सायाव लिर्नाय लिर्बिदां दैथाय हर/  
सानसेयारि "बड'सा" ख्रीरालाइया खेबरानानै  
फोस्वावगोन।  
बड'सायाव लिर्हरनायनि हुदा खालाम,  
"बड'सा" ख्री नौथां, जो बयबो आंगो खालाम।  
सानसेयारि बड'सा मावखुलि  
माइबं नोगार, जोहोलाव देमालु लामा  
कक्राझार, बिटिम-783370  
Website: www.bodosanewspaper.com

# सानसेयारि बड'सा



BODOSA ★ A Bodo News Daily ★ Sunday ★ 25 July, 2021 Kokrajhar, BTC, Assam ★ Vol.- 31, Issue No. 120 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

## नख'र मन्थि अमित शाहआ दिने तामुलपुरआव देहा फाहामथाय सोलोसालिमानि अन्थाय खाम्फा गायसनगोन

तामुलपुर, 24 जुलाइ: बि गाबोन मोनाबिलिनि 5.30  
टि आर गोरोबथानि बायदियै  
25 जुलाइखालि हादोरनि  
नख'र मन्थि अमित शाहआ

गुवाहाटीनिफ्राय डिजिटेल  
बिजोनि गेजेरजो हादोरनि  
नख'र मन्थि शाहआ देहा  
फाहामथाय सोलोसालिमानि

अन्थाय खाम्फाखौ गायसनानै  
होगोन। मख'नो गोनान्दि  
तामुलपुर महकुमानि सिडाव  
थानाय कसुबारिआव बाडयैबो

200 बिघा हायाव तामुलपुर  
देहा फाहामथाय  
सोलोसालिमाखौ गायसनया  
(□ 5 बिलाइआव)

## गुरु पुर्निमाजो लोब्बा लाखिनानै बि के डब्लिउ ए सिनि गाहाय मिहिनश्वर बसुमतारिआ बाथौ मन्दिराव सिबिहैदो



रिगासो समाव बि जे पिनि  
दैदेनगिरि एवा बि के डब्लिउ  
ए सिनि गाहायआ गुवाहाटीनि  
बाथौपुरि आहम गामिनि मिरु  
बाथौ मन्दिराव दावबायहैनानै  
अर'ज गाबनाय हाबाफारियाव  
बाहागो लानायजो लोगोसे  
मन्दिराव बाउ है नायनानै  
पुरहितफोरखौ सिबियो। बे  
हाबाफारियाव बाहागो लानाय  
राइजो-राजाफोरनि सिगाडव बि  
के डब्लिउ ए सिनि गाहाय  
मावफुं सोद्रोमा मिहिनश्वर  
बसुमतारिआ बुडोदि गुरु  
पुर्निमाया हिन्दु, जैन आरु बुद्ध  
(□ 5 बिलाइआव)

सिमेन सापरि, 24 जुलाइ: गुरु  
पुर्निमाजो लोब्बा लाखिनानै दिने  
बि जे पिनि आसाम प्रदेश  
कमिटिनि लेडइ आफादगिरि,  
बर'कसारी अन्साइ गावखुंथाय  
हालामनि गाहाय मावफुं

सोद्रोमा मिहिनश्वर  
बसुमतारिआ बाथौ मन्दिराव  
शिब मन्दिराव दावबायहैनानै  
अर'ज गाबहैनानै धोरमारि गुरु  
पुरहित, पुजारि फोरखौ  
सिबिहैयो। दिने फुनि 7.30  
(□ 5 बिलाइआव)

## भुपेन बराया आसाम कंग्रेसनि गोदान आफादगिरि



गुवाहाटी, 24 जुलाइ: अल  
इन्डिया कंग्रेस कमिटिनि  
आफादगिरि सनिया गान्धीआ  
भुपेन कुमार बराखौ दिने आसाम  
प्रदेस कंग्रेस कमिटिनि गोदान  
आफादगिरि महरै थिसनबाय।  
अल इन्डिया कंग्रेस कमिटिनि  
गाहाय नेहाथारि के सि  
भेनुगपालआ दिने मोनसे  
फोसावथिनि गेजेरजो बे

आयदानि बागै मिथिहोदो।  
गोदानै आसाम कंग्रेसनि  
आफादगिरि महरै थिसनजानाय  
भुपेन बराया लक्ष्मीपुर जिल्लानि  
सिडाव थानाय बिहपुरिया  
बियाबनिफ्राय नैथि खेव एम  
एल ए जाखानाय कंग्रेसनि सासे  
दैदेनगिरि। बिथाडा थानाय 2016  
नि आसाम बिधान सभा  
(□ 5 बिलाइआव)

## तामुलपुर बिधान सभा बियाबनि उफ्रा बिसायख 'थियाव इउ पि पि एलआ बिजाथि फसंगोन: प्रमद बर'

तामुलपुर, 24 जुलाइ: बिथाडा  
खुंजानो गोनां तामुलपुर बिधान  
सभा बियाबनि उफ्रा  
बिसायख 'थियाव इउ पि पि  
एल दोलोनिफ्रायनो बिजाथि  
फसंगोन होन्नानै फोरमायथिदो  
बि टि आरनि गाहाय खुंगिरि  
प्रमद बर'आ। गाबोन  
रबिबारखालि तामुलपुराव  
तामुलपुर देहा फाहामथाय  
फरायसालिमा आरो देहा  
फाहामसालि लुफुं थायनि  
अन्थाय खाम्फा गायसनो  
गोनां जायगाखौ  
नायगिदिं फे नाय समाव  
खोरंगिरिजो मोगा-मोगि  
जानाय समाव बे बाथ्राखौ  
फोरमायदो प्रमद बर'आ।

बिथाडा बुंदोदि, उफ्रा  
बिसायख 'थियाव बे समाव  
गोनांथार नडा। मानोना एन डि  
एआ आसामआव सरकार  
दाखांखाबाय। थेवबलाबो  
तामुलपुर बियाबयाव इउ पि  
पि एलआ बिजाथि फसंगोन  
आरो बे उफ्रा

बिसायख 'थियाव गोरलैयैनो  
देरहानो हागोन। बावैसो  
सिगां बाजेट जथुमयाव  
तामुलपुरखौ मोनसे जिल्ला  
महरै फोसावनायनि थाखायबो  
बि टि आरनि गाहाय प्रमद  
बर'आ गिबि मन्थिनिसिम  
साबायखर जासियो।□



## बि पि एफ नि सा 6 गायसनगिबि दैदेनगिरिफोरा बि जे पिआव

मुसलपुर, 24 जुलाइ: बि जे पि दोलो आरो  
गिबि मन्थि हिमन्त बिश्व शर्मानि  
मावफुंनायनि फासें गोजोन्नाय  
फोरमायनानै दिने  
मोनसे हाबाफारिनि गेजेरजो बि  
पि एफनि गासै  
सा 6 दैदेनगिरिफोरा बि जे पि  
दोलोआव हाबहैयो। दिने  
दोलीनि बाक्सा जिल्लानि  
बरमानि गाहाय  
मावख'आव खुंफुनाय दिहिरा  
मन्डलनि मावफुं  
मेलाव बि पि एफ नि गायसनगिबि  
दैदेनगिरि

फारियै- मृदुलसिं, ब्रह्म, जिउ  
बर', बुबुलसिं  
ब्रह्म, बुद्ध ब्रह्म, नलिन्द्र  
पखेल आरो दिपक  
बर'आ हाबाफारिनि गेजेरजो बि  
जे पि दोलोआव  
हाबफैनाय दैदेनगिरिफोरा बि  
पि एफ नि फासें  
गोसो बायदो होन्नानै बुडो।  
बि जे पिआ राइजो-  
राजाफोरनि जानानै मोजां  
खामानि मावबोदो  
होन्नानै बे दोलोआव हाबदो  
होन्नानै फोरमायो।  
मख'नो गोनादि (□ 5 बिलाइआव)



ड० हिमन्त बिश्व शर्मा  
मानगोनां गिबि मन्थि, आसाम



आसाम सरकार

## तामुलपुर देहा फाहामथाय फरायसालिमा आरो देहा फाहामसालिनि अन्थाय खुन्थिया गायसन्नाय फोर्बो

### गायसनगोन

मुस्त्रि अमित शाह  
मानगोनां मिरुनि नख'र मन्थि

मानजो नुजाथिनायाव



मुस्त्रि प्रमद बर'  
मानगोनां गाहाय मावफुं सोद्रोमा, बि टि आर



ड० हिमन्त बिश्व शर्मा  
मानगोनां आसामनि गिबि मन्थि

मुस्त्रि केशव महन्त  
मानगोनां देहा मन्थि, आसाम सरकार

मुस्त्रि प्रमद बर'  
मानगोनां गाहाय मावफुं सोद्रोमा, बि टि आर

अक्ट: जुलाइ 25, 2021 (रबिबार) थावनि: श्रीमन्त शंकरदेव कलाक्षेत्र सम: बेलासिनि 5:30 रिगा

### देहा फाहामसालिनि गुबे आखुथायफोर

- देहा फाहामसालि बिल्डि- (जि+8)  
(430 बिसिनानि देहा फाहामसालि)
- मडुलार अपारिसन टियेतार
- सि एस एस डि एकडुपमेन्ट
- गेस मेनिफल्ड- (जि)
- मेडिकेल गेस पाइपलाइन सिस्टिम
- प्लान्ट रूम- (जि)

- फायर फाइटि
- एकाडेमिक ब्लक- (जि+4)
- इउ जि बयस हस्टेल-250 केपासिटि (जि+6)
- इउ जि गार्ल्स हस्टेल-250 केपासिटि (जि+6)
- इन्टर्न बयस हस्टेल-50 केपासिटि (जि+5)
- इन्टर्न गार्ल्स हस्टेल-50 केपासिटि (जि+5)
- नार्स हस्टेल-48 केपासिटि (जि+6)

- रेसिडेन्ट हस्टेल-32 केपासिटि (जि+4)
- सेन्ट्रल मेस आरु इन्डुर स्पर्टस (जि+2)
- अटस्पाइड- (जि+1)
- हाउजिं ब्लक (64 इउनिट)
- सुपारेन्टेन्डेन्ट रेसिडेन्स (जि+1)
- प्रिन्सिपाल रेसिडेन्स (जि+1)

# सुजुगिरिनि खोलोम

## मावनाय-दांनाया देहा गोख्रों लाखियो हाबा हारिमुखौबो फोथानानै दोनो

दासान्दि गामियारि साफ्रोम आबादयारिफोरानो गायनाय-फुनायनि हाबायाव नांथाबनानै दड। शाउयोन दाननि गोसा सान्दुखौ सहायनानै आरो अखा सिजानानै फुबिलिनिफ्राय लानानै मोनाबिलि समसिम दुब्लि बारियाव आबाद मावनायाव नांथाबनानै जिउ खुंनयनि हुदा आरो राहा लामाखौ गोदो-गोदायनिफ्राय जौनि आजै-आजौमोह लानानै फेदों। मिबथिस' हायै समनिफ्रायनो आबाद मावनायनि हुदाखौ गोबानानै मैसो-मोसौनि हालजों हालएवनानै माय आबाद गायबोदों। आधिखालनि समाव आबादयारि सुबुंफोर मोसौ-मैसौनि हालखौ बाहायालासेनो ट्रेक्टरजों हालएवनानै आबाद मावनो हम्बाय। बिबि ट्रेक्टरजों आबाद मावनो लायोब्ला गोख्रेंसिनै खामानिफोर आवगायसिनो। मानोना आधिखालनि समाव समआ बेसेन गोसा जालाबाय। सम थायोब्लासो मोनफ्रोमबो हाबाखौनो मावनायनि खाबु मोनो। बेखायनो समजों उन उन खरानानैसो सुबुंफोर जायखि-जाया हाबाखौनो मावनो लाबाय। सिगां समनिबादि लासैयें दंफोननि नांगोल थसेजों दान मोनै-मोनथामसिम आबाद मावनो गोनां जानायखौ दानि बे समाव दान मोनसेनि गेजेरवनो मावनानै फोजोबनो हनाय जाबाय। गायनाय-फुनायाव जैरे गोख्रें जानानै फेदों बिबिदो हनाय-रोगानाय-मारा होनायावबो गोर्लेसिन जानानै फेबाय। बिबिदो राहा सौफेनायाव सुबुंफोरनि हाबा मावनायनि हारिमुया गोमालांनो हम्नायाव सोलेरनि गोख्रोंथिया लासैयें गोमालांनयनि फारियाव सौफेदों। सिगां समफोरव गामियारि साफ्रोमबो आबादयारिफोरानो देहानि थैखौ गोलोमदै गसर होनानैसो आबाद मावनानै आबादनि फसलखौ मोनफुंनो हायोमोन। खोथिया फोजेनयनिफ्राय लानानै खाहइनाय आलि दान्नाय-खोनाय,खोथिया गायनो हाबु खालामनाय ,बेबादिनो खोथिया फुनाय-गायनाय मोनफ्रोमबो हाबायावनो देहानि बोलो गारनायजोंसो गायनाय-फुनायनि हाबाया मावफुंजायोमोन। बेनि उनावबो हनाय-रोगानाय , मारा होनाय,बाव सिबनायनिफ्राय बाखियाव सोनायसिम देहानिफ्राय गोलोमदै गसर होनो गोनां जायोमोन। बिबिदो हाबा मावनो गोनां जानायवा हाबा मावनायनि हारिमुखौ बै समनि आबादयारिफोरसो हम्थानानै लाखि बोदोंमोन होनानै बुनो हागौ। बेजों लोगोसे देहानि गोख्रोंथिखौबो दिदोमै लाखिलानायाव मदत मोनफुंनो हायोमोन खामानि हारिमुयाव नांथाबनानै थानो मोजां मोनग्रा आबादयारिफोरा। गुबैयें गोनीखोयारि मुवा-बेसाद आरो रेंडिमेड दिहुथायफोरबो आधिखालनि समाव मावनानै जाग्रा सुबुंफोरनि थाखाय मोनसे गिदित सेलेस महैरै नुजाफेदों , जायनि जाउनाव रंखान्थियारि बिथिडव खहा नुजाफेगोन। खामानि हारिमु गैयैनि जाहोनाव मोनसे समाव दुब्लि बारिनिफ्राय माय बजा रोगानो बाउखा आरो मारा होनायाव सिगाव खायनो हुखेन बाहायनाय आइजैनि मुडबो बाहायजायै जालासिगोन नामा? □

# दिनैनि फानजामुथि

**राशि बाइदियै मुनि गिबि हांखो**  
 मेष : अ ल वृष : ऊ ब (उ ए इ) मिथुन : क छ (ङ ष) कर्कट : ड ह सिंह : म ट कन्या : प ठ (ण ष) तुला : त र वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** माबा मोनसे मोजां हाबा मावनो खाबु मोनो हागौ। गोसोखौ गोजोन मोनगोन। मोजां सान।  
**वृष:** माबाफोर जेनायाव गोर्लेबायनो हागौ। सांग्राडै थानांगोन।  
**मिथुन:** गोबाव समनि बेरमआ सिखांबायनो हागौ। सांग्राडै थानांगोन।  
**कर्कट:** सुखुयै नख'र दालांनो हागोन। फाफ्रोमबो जोगानाय फेनो हागौ।  
**सिंह:** जेखि जाया सान्नानै मावा जाफुंनो हागौ। गोजोन्नायजों समखौ बारहोनो हागोन।  
**कन्या:** बे रशिनि सुधुरआ बांलांनो हागौ। जैरैथिबो सांग्रां जानानै थानांगोन। गात्रि सान।  
**तुला:** दावबायनाय समाव जेनाफ्राव गोर्लेनो हागौ। जेगवखि दावबाया मानो सांग्रां जानांगोन।  
**वृश्चिक:** पापनिफ्राय उपकार जानो हागोन। गोजोन्नायखौ मोनो हागोन। मोजां सान।  
**धनु:** मोनो गोनां रंखावनिफोरा गोर्लेसोनानै थानो हागौ। जेखि मावा सांग्रां जानानै मावनांगोन।  
**मकर:** बादायलायनायाव देहासार जानो हागोन। जेगवबो मुं गोसारहोनो हागोन।  
**कुम्भ:** जेखियानो जाया मानो गावनि नख'रनि सुबुडनो हेंथा होगोन।  
**मीन:** फालांगिरिनि थाखाय गाहाम सान। रंखावनि बुथुमनानै लानो हागोन।

# तालिबानआ आमेरिकान सान्थिखौ मदत होग्रा आफगाननि सरासन्सरा सुबुंफोरनि सायाव खिथेर लानो जागायबाय



**काबुल, 24 जुलाइ:** तालिबानआ आमेरिका सान्थिफोरनि हेफाजाब गिरिआरो नख'रफोरखौ आफ गानिस्ताननिफ्राय लांनयनि यजना बानायदों। बिजोरखौ भिजाजनि हाबाफारिआ आबु जानायसिमनि थाखाय सान्थिफोरनि गाहाय जायगा भार्जिनियाआव दोन्नाय जागोन। थानाय जुन दानआव तालिबानआ गुबुन हादरयारि गोहोजों हाबा मावग्रा सुबुंफोरनि सायाव जेबो खहा खालामनाय नडा होन्नानै

# उतखारि गाग्लोबनायाव थैनाय चीननि मावसुमाफोरनि गोथै सहआ चीनआव सौहैबाय



बेइजिं, 24 जुलाइ: पाकिस्ताननि गुबुन हादरयारि मन्थि शाह महमुद कुरेशीआ बेइजिंआव सौहैनायनि माखासे घन्टा उनाव पाकिस्तानआव उतकारि गाग्लोबनायाव थैनाय सा 9 चीननि मावसुमाफोरनि गोथै सहआ थानाय शुक्रबारखालि गंसे चाटीई उरां जाहाजजों हादरआव सौहैयो। उतखारि गाग्लोबनायाव गावसोरनि सुबुंफोर थैनायनि उनाव चीनआ पाकिस्तानखौ गात्रि मोनो। बेनिखायनो बिसोर पाकिस्तानआव थानाय चीननि नोगोरारिफोरनो जेरैखि-जायाब्लाबो रैखाथि होनो बोसोन होयो। बे गाग्लोबनायनि उननिफ्रायनो दरनै हादरनि गेजेरव थानाय सोमोन्दोआव गावसलानाय सोमजियो, जायनि सायाव सावरायनो थाखाय कुरेशी, आइएसआइ सिफजों लोगोसे चीनआव सौहैयो। सुलुनि बादिब्ला, चीननि गुबुन हादरयारि बिफानआ पाकिस्ताननिफ्राय बे जाथायखौ नायबिजिरो आरो गुबुन गुबुन

# मुलुगआव डेल्टा आरो गामा भेरिएन्टनि दोहौ, थानाय 24 घन्टायव 5.68 लाख सुबुंफोरा करना सन्देरजादों

**जेनेभा, 24 जुलाइ:** मुलुगआव करना सन्देरजानायनि हारआ गोख्रैयै बारयफिन्दों। थानाय 24 घन्टायव सा 5 लाख 68 रोजा सुबुंनि देहायाव करना सन्देरजानायनि लोखोन मोन्दों आरो सा 8,899 सुबुड करनाजों



जिउ गोमादों। बेरफार्से सा 3 लाख 88 रोजा सुबुड करनानिफ्राय मोजां जादों। मुलुगनाडै दासिमआव सा 19.33 कौटि सुबुड करना सन्देरजाबाय आरो सा 41.50 लाख सुबुड जिउ गोमाबाय

जिगा सिहोदों। रसियाआव गोसारनाय बे भेरिएन्टखौ गिबियै ब्राजिलआव सिनायथिनो मोन्दोंमोन। रसियाआव जुलाइ दाननि गिबि साननिफ्राय करना सन्देरजानायनि हारआ बांदों। बेयाव करनानि एक्टिभ केसआ बांनानै 4.47 लाखसिम सौहैबाय। जार्मानीआव थानाय से सप्ताहआव सा 2 लाख सुबुंनि गेजेरव सा 12.1 सुबुंनि देहायाव गोदानै करना सन्देरजानायनि केस मोनो हादों। ब्रिटेनआवबो करनानि सन्देरजानायनि हारआ गोख्रैयै बारयदों। थानाय 24 घन्टायव ब्रिटेनआव सा 39,906 सुबुंनि देहायाव करना सन्देरजानायनि लोखोन मोन्दों।

# रोदोमफिन्नाय गोसो

**सुंद'सल'**  
**सुसि सुमित बसुमतारी**  
 (थानाय बिसाननिफ्राय)  
 मानोना आडो बिनिथिं नायहरब्लानो मेगन नोजोर होमब्लानो आनि गोसो मेगनाबो नायहर फायो आं मिथिस्ताबै। थामहिन्ना आडो दिवाना जायो। गोसोखौ गोगोम लानानै आडो आनि गोसो मेगनखौ थगाय बोनाया बेबायदिनो माखासे बोसोर हाबबाय। जायनि थाखाय आडो थानाय बै समखौ आडो दा आंनो आनि फाग्ला बेरनाय सम होन्नानै आडो आनि मुं दोन्दों। आनि गोसोआव बै समनि जाथायफोरा गोसोआव जाखां फेयोब्ला आडो आंखौनो मा बायदि जुदा गोसोआव फेयो आंसो मिथिसिगौ। सोरबाफ्रा बुंफांदांमोन जानो हागौ आंखौ बै समाव बियो ओरैनो समखौ थांहोदों, नाडा फाड। नाथाय आडो मा खालामनो गोसो फोथाया। आंबोदि मिथिगो बेफोर बायदि बुंगोनखौ, जानायखौ थैवबो गोसोआ मानो बिदि बेखौसो आडो मिथिया...। जायनि थाखाय आंजों सोरजि जादों दोंसे खन्थाइ मालानि महर.... आय' नों समायना बिबार साजायना लादोंमोन नोंखौनो आं महराव नोंनो साहरूपनि फिसाजो फावआव नोंनो साहरूप,

# जम्मु-काश्मीरनि बान्दीपरा एन्काउन्टरनि समाव रैखाथि हान्जाया सानै उतखारिफोरखौ गावथारदों



**श्रीनगर, 24 जुलाइ:** जम्मु-काश्मीरनि बान्दीपरायाव एन्काउन्टरनि समाव रैखाथि हान्जाफोरा उतखारिफोरनि खँसार सानायखौ फेलें खालामदों। बान्दीपरायाव एन्काउन्टरनि समाव रैखाथि हान्जाया सानै उतखारिफोरखौ गावथारो होन्नानै जम्मु-काश्मीर पुलिसआ बेनि खौरं होयो। आधिखालाव बे उतखारिफोरखौ दासिमबो सिनायनो हायाखँ। पुलिसनि बादिब्ला, उनाव सान्थिफोराबो फिन्नाय होयो आरो बिसोर सानै उतखारिफोरखौ गावथारो। बे अपारेसनआ सोलिगसिनो दड। बेनि सानसे सिगां थानाय शुक्रबारआवबो सान्थिफोरा उतखारिफोरखौ गावथारदोंमोन। बेरफार्से ओन्सोलाव गोख्रों अभियानआव नांथाबदोंमोन अब्ला उतखारिफोरा बिसोरनि सायाव गुलि गावनो जागायो। बेनि

हादरनि थाखाय गावनि बिबानखौ फालिनानै थानाय शुक्रबारखालि 23 जुलाइआव गावनि जिउखौ दान होयो। अदेबानि अपारेसनले डिउटिनि समाव बे जवानआ मुखलं जायो। भारतयारि सान्थिफोरा दुइट खालामनानै गावसोरनि जवाननि जोहोलाव आखुखौ गोसोखाडो। सुलुडाव फोरमायनाय बायदिब्ला सान्थिफोरनि मोनसे अपारेसननि समाव सिपाही कम्पणिया सुरंगआव थानाय बेरफुग्रा बेसादिनि खँफोदआव गोर्लेदोंमोन। मख'नो गोनांदि, सिमनायाव सोलिनाय सिसफायारिनि गेजेरखोंबो पाकिस्तानआ गावसोरनि गात्रि आखुनिफ्राय जानगाराव थायाखँ। अदेबानि ससेल मिडियाआवबो सुबुंफोरा बिथानो बिबार बाउगासिनो दड।

## समबाइनि माइरं रानग्रा डिलारनि सायाव रं जाख्ल 'नायनि अजद होदों ओन्सोलनि राइजो-राजाफोरा



**गसाइगाव, 24 जुलाइ:** कक्राझार जिल्लानि गसाइगाव महकुमानि सिडाव थानाय दुमबाजार गामिनि राइजो-राजाफोरा समबाइनि माइरं रानग्रा डिलारनि सायाव जाख्ल 'नायनि अजद होदों। माइरं 'डिलार रुसन' बसुमतारिनि सायाव

जाख्ल 'नायनि अजद होनानै बिथानि खामानि मावनायनि सायाव गोजोन्नाय मोनै फोरमायदों ओन्सोलनि राइजो-राजाफोरा। लोगोसे खोला दुमबाजारखौ आलादा खालामनानै सासे गोदान डिलार थिसननांगो होन्नानै दाबि खालामदों। गामिनि एबा

ओन्सोलनि राइजो-राजाफोरा फोरमायनाय बायदिब्ला दुमबारआ मोनै बाहागोयाव रानजानाय बेनिनो मोनसेया गुवार ओन्सोल जायखौ सा आरो खोला दुमबाजार हिसाबै बोखानाय जादों। दा बे मोनै बाहागोनि गेजेराव गोबां नख 'फोर गोलेनायलाय माइरं

रानाय बेलायाव बेले-बेजे सोमजियो। बेनिखायनो खोला दुमबाजार ओन्सोलनि राइजो-राजाफोरा माइरं डिलारखौ सा-डिलारनिफ्राय बोखानानै होनो दाबि खालामदों। राइजो-राजाफोरा अजद होबावनाय बायदिब्ला डिलार बिथानै रुसन' बसुमतारिआ मोन्नांगौ माइरं आरो कंरसिनखौ थि समाव होनो नाजाया आरो जेसेबां मोन्नांगो एसेबां माइरंफोरखौ रानालासे माखासे लाखिनानै आर गलायनाय फोरखौ फानखोमायो। बेनिखायनो बिथानखौ सोलायनानै खोला दुमबाजारनि थाखाय सासे आलादा गोदान डिलार थिसननांगो होन्ना आधिखालनि बि टि आर सरकारनि सिसिम दाबि खालामदों।

## बाक्सानि गरेस्वराव मा 42 अमानि देहायाव आफ्रिकान स्वाइन फ्लुनि पजिटिभि मोन्दों

**गरेस्वर, 24 जुलाइ:** आसामनि गुबुन गुबुन जिल्लाफोराव आफ्रिकानि स्वाइन फ्लु भाइरास सन्देरनायजों गोबां अमाफोरा थैगासिनो थानायनि खौरांखौ थानाय माखासे सिगां सानफोरनिफ्राय खोनानो आरो नुनो मोनबोवाय थादों। खर'सा आसामनि गुबुन गुबुन जिल्लाफोरनि उनाव बाक्सा जिल्लायावबो गोसारनो हमदों स्वाइन फ्लु भाइरासआ। बाक्सा जिल्लानि सिडाव थानाय गरेस्वर हालामनि कारिपार गामियाव मा 42 अमानि देहायाव स्वाइन फ्लुनि पजिटिभि मोन्नायखौ लानानै जायगानि अमा फिग्रा आबादारिफोरनि गोसोयाव गिखानाय थासारि सोमजियो। मख'नाय जायोदि, कारिपार गामियाव थानाय 2 दान सिगांनिफ्रायनो फिनाय



अमाफोरा थैबोवाय थानायनि जाहोनाव बे गामिनियो थगिबि सोमदोन बर' मुनि सासे सुबुडबो गावनि रं बाहायनानै खुलिनाय मोनसे फार्मआव सानफोरमबो अमा थैबाय थानाय हिसाबै गरेस्वर नोगोराव थानाय जिब-जुनात फाहामथाय होग्रा बिफाननो

खौरां हरनायलाय उनाव बिफाननि मावफारियाफोरा थानानै अमाखौ टेस्ट खालामनायनि लेखायै टेस्ट खालामनायनि रिपर्टआव आफ्रिकान स्वाइन फ्लुनि पजिटिभि मोन्ना होन्नानै रोखा खालामो। एरैहाय ओन्सोलनि मा 42 अमाफोरनि

देहायाव टेस्ट खालामनानै स्वाइन फ्लु पजिटिभि मोन्ना हानायनि उनाव ओन्सोलनि अमा फिग्रा सुबुंफोरा जिगायाव गोलैनानै दावगव-दावसि जानो हमदोंमोनब्लाबो नाथाय सरकार अमा थैनायनि ख'हा सुफुंथाय होनो खोथा होनायाव थासारिया सुलायो।

## कभिड-19 महामारिनि थामथि दोहौआ भाइरास सोलायनायजों सोमजिनो हागौ

**गोदान दिल्ली, 24 जुलाइ:** मिरु सरकारआ लक सभायाव बुनाय बादिब्ला, कभिड-19 महामारिनि थामथि दोहौआ भाइरास सोलायनायनि जाहोनआव जानो हागौ। लोगोसे सरकारआ बेखौबो बुंदोंदि, बे महामारिखौ होबथानो थाखाय गुबुन गुबुन मुलियारि आरो मुलि नडै राहाफोरनि सायावबो सोनारो। मोनसे सौनायनि फिनायाव मिरु देहा मन्थि मनसुख मन्डाबियाआ बुडोदि, भेक्सिन थुनाया बेरामखौ गोबांवा जानायनिफ्राय रैखा खालामो। बेयो इयुनावबो महामारिनि गोहोमखौ खम खालामनायाव मदद खालामगोन। मिरुयारि देहा मन्थिआ बेखौबो बुंवावोदि, हादरआव भेक्सिन थुनो थाखाय बाहायनाय भेक्सिननि हेंथायै थोजासे रैखाथि होयो। बेयो देहा फाहामसालिआव थिसननाय केसफोरखौ होबथानायाव हेफाजाब होयो। देहायारि जर'खाफोरनि गेजेरजों डेल्टा



भेरिएन्ट महैर करनानि थामथि दोहौ फेनायखौ लानानै सांग्रांथि होनायनि सायाव मन्डाभियाआ रोखा खालामोदि, भारत एबा मुलुगयारि थाखोआव रावबो बिगियानगिरिफोरनाव फोरमान गैयादि, बेयो गोबां अन्जिमानि गथ 'फोरखौ इन्फेक्सन खालामो। मुलुगनाडै करनानि माखासे दोहौफोरखौ नुनो मोन्नाय जादों। बेराफार्से लकसभायाव देहायारि राइज्यो मन्थि प्रविण पावारआ मोनसे

सोंथिनि फिन होनानै फोरमायदोंदि, 18 बोसोरनिखुइ बांसिन बैसोनि गासे सुबुंफोरनो भेक्सिन थुनायखौ आबुं खालामनायनि जेबो थि सम-सिमनाखौ थि खालामनो हाया। नाथाय बे बोसोरनि डिसेम्बरआव बेखौ आबुं खालामनो हागौ। बिथाडा फोरमायनाय बादिब्ला, ब्रैथि साभैआव 6 बोसोरनिखुइ बांसिन बैसोनि 67.6 जौखोन्दो सुबुंफोरनाव करना एन्टबडी

मोन्नाय जादों। बे साभैखौ थानाय 14 जुननिफ्राय 6 जुलाइनि गेजेराव हादरनि दर 20 राइज्यो आरो दरसे मिरुजों खुंजानाय राइज्योनि दर 70 जिल्लाफोराव खालामनाय जादोंमोन। बेराफार्से मिरु देहा बिफाननि बादिब्ला, करना महामारिनि नैथि दोहौआव थानाय सानसेनि गेजेराव एक्टिभ केसआव सा 3,881 दावखलायदों आरो गासै एक्टिभ

केसआ 4,05,513 थादों, जाय गासै केसफोरनि 1.3 जौखोन्दो। बे समाव सा 35,342 केस मोन्नाय जादों आरो सानसेनि सिगां 40 रोजानिखुइ बांसिन केस मोन्दोंमोन।

## मुसलपुरआव फबनानै दोन्नाय हाथियार बोखांदो

**मुसलपुर, 24-जुलाइ:** बाक्सा जिल्लानि सदर थावनि मुसलपुरआव हा सिडाव फबनानै दोन्नाय हालोदिनिफ्राय गंसे हाथियारखौ बोखांनो हायो। मुसलपुर पुलिस थानानि सिडाव थानाय बेलगुरि फोथाराव फबनानै दोन्नाय

हाथियारखौ बोखांनो हायो। हमजानाय दाकात हिरकज्यति डेकानि सिमान जानायाव दिने मुसलपुर पुलिसआ बिनि न'नि उनफार्से थानाय फोथारनिफ्राय फबनानै दोन्नाय हालोदयाव गंसे .22 पिस्टलखौ बोखांनो हायो। बाक्सानि लेडइ पुलिस बिबानगिरि प्रनबज्यति कलित

आरो मुसलपुर पुलिस थानानि इन्स्पेक्टर नरेन सन'वालनि दैदेन्नायाव थानाय संदानग्रा हान्जाया फबनानै दोन्नाय हाथियारखौ बोखांनो हायो। पुलिसआ गंसे पिस्टलजों लोगोसे गरनै गोथां गुलिफोरखौबो बोखांनो हायो।

## बिजनीआव ना सारनो थानाय सुबुनि गोथै देहा बोखांदों

**बिजनी, 24 जुलाइ:** चिरां जिल्लानि बिजनी महकुमानि सिडाव थानाय बिजनी मनेस्वरियाव सासे सुबुंनि गोथै देहा बोखांनो मोन्नायखौ लानानै ओनसोलनाडै सोमोनांनय थासारि सोमजि होदों। गोथै देहाखौ निकिल महानायकनि फिसाज्ला कृष्ण महानायक (33) होनना मिथिनो मोननाय जादों। जाथायनि बागै जायगानि थागिबिफोरा मिथिहोनाय बादिब्ला शुक बारखालि



मोनाबिलि समाव पाकाजानि दैयाव ना सारनो न'निफ्राय ओंखार लादोंमोन। मोनानि समावबो न'आव फेफिनैयाव ना सारनाय दैयाव न'नि

मानसिफोरा नागिर हैदोंमोन। नाथाय शनिबारखालिसो फुनि समाव गोथै देहाखौ दैयाव गोजावना थानाय थासारियाव नुस'नो जायगानि सुबुंफोरा।

जाथायसालियाव बिजनी पुलिसआ नुजाथिनानै गोथै देहाखौ बोखांनो पस्ट मर्ट'मनि काजलगावनि जोहोलाव सोमला बसुमतारी सरकारि देहा फाहामसालियाव दैथाय हरनाय जायो। बे जाथायखौ बुथारनाय जाथायसो होनना सन्देह' खालामनाय जादों जायगानि थागिबिफोरा। एरैहाय जाथाया ओनसोलाव सोमोनांनया थासारि सोमजि होदों।

## मुलुगनि बयनिखुइबो बेसेन गोसासिन दंफांआ से कि:ग्रा: 7 लाख राडव फान्जादों

**जहान्सबाग, 24 जुलाइ:** बेसेन गोसा दंफांफोरनि बाश्रा बुडोब्ला जों सन्दन दंफांखौनो बयनिखुइबो बेसेन गोसासिन मानिना लायो, जाय से कि:ग्रा: आवनो 5,000 निफ्राय 6,000 रांसिम फान्जायो। नाथाय मुलुगआव एरैबायदि बेसेन गोसा दंफां मोन्नाय जायो, जायनि बेसेना स'नानिफ्रायबो बांसिन होन्ना बुडोब्ला जों बयबो गोमोगोन। बेयो सैथो बाश्रा। बे दंफांनि मुडा आफ्रिकाआव मोन्ना हानाय ब्लेकउड। बे दंफांखौ बहुम बिखायाव मोन्नाय बयनिखुइबो बेसेन गोसासिन मुवाफोरनि गेजेराव मोनसे मानिना लानाय जायो। बे मुलुगनि बयनिखुइबो बेसेन गोसासिन आगोमा दंफांखौ गेजेर आरो खोला आफ्रिकानि दर 26 हादतफोरव मोन्नाय जायो। बे दंफांआ से कि:ग्रा: आव 8 रोजा पाउन्ड



एबा 7 लाख राडव फान्जायो। बे दंफांनि बेसेन गोसा जायनि जाहोनानो जादों बेखौ जेराव मेरावनो मोनलाबायै। बे दंफांआ मोजां गुन गोनां जानो थाखाय 60 बोसोर सम नांगो। आफ्रिकानि ब्लेकउडनि बिफांनो सेनेगल सान्जानिफ्राय इरिट्रियासिम आफ्रिकानि गोरान ओन्सोलफोरव आरो खोला आफ्रिकानि सा-सान्जा बाहागोयाव मोनो। बे बिफांनि

गोजौआ 25 निफ्राय 40 फुटसिम जायो आरो बेखौ गोरान जायगाफोरवसो बांसिन मोन्नाय जायो। मख 'जाथावदि, बे दंफांनि बिफांफोर जोबोद खम दड आरो बेनि डिमान्डआ गोबां। बेनिखायनो बेनि बेसेना लान्थियै नो बांगांसिनो। आफ्रिकानि ब्लेकउडखौ बांसिनै फेम्पा, सिफुं आरो गिटार बायदि दंखोनि आइजें बानायनायाव बाहायो। बेफोरनि अनगायै बे

दफांजों गोर आरो बेसेन गोसा फार्नीचारफोरबो बानायो। बेसेन गोसा जानायनि थाखायनो बे दंफांखौ सुथुखो दड। दंफां सिखावफोरा बे दंफांआ थि बैसोनि एबा गुन गोनां जानायनि सिगां दंफां सिखावफोर बेखौ हाफायना लायो। चन्दन बिफां बादिनो बेखौबो आयेन बेरेखायै दानफायनाय आरो सिखावै फान्नायनि जाहोनावनो बे जेलैनि बिफांफोर गोबां खम जालांबाय। जायनि जाहोनाव बेखौ आगोमा बिफांफोरनि फारिलाइयाव थिसनफानाय जाबाय। मिडिया रिपर्टनि बादिब्ला, केन्या, तन्जानिया बायदि हादतफोरव बे बिफांखौ आयेन बेरेखायै दानफायनाय, फान्नाया सरसनसा बाश्रा। आधिखालाव बेफोर हादतफोरा आफ्रिकानि ब्लेकउडखौ सैरेखाथि खालामनो थाखाय हाग्राबारियाव हाथियार लाग्रा जवानखौ थिसनबाय।

## अखानि बोथोराव गथ 'फोरखौ जर'खायै जोथोन लानांगौ, नडाब्ला बेरामआव गोग्लैनो हागौ

**गोदान दिल्ली, 24 जुलाइ:** हादरनाडै मौसुमि बोथोरआ मुखुब जाबाय आरो गोबां अखानि गोहोम गोग्लैनाया सोलिगासिनो दड। बे बोथोरव डेंगु, मेलेरिया, चिकनगुनिया, भाइरेल फेभार, गगा आरो गुजुनाय बायदि माखासे बेरामफोर सोमजिनो हमो। बे बेरामफोर गिदरिफोरजों लोगोसे गथ 'फोरनावबो खैफोद सोमजिहोनो हागौ। बे बोथोरव गथ 'फोरनि देहाखौ जर'खायै जोथोन लानांगौ, जायजों बिसोरनि देहाया सावसिनै थानो हायो। डाइट एक्सपर्ट डा: रजना सिंनि बादिब्ला, अखानि बोथोरव गथ 'फोरनि देहाखौ गाहामै लाखिनो थाखाय बिसोरनो अयली आरो जांक फुड जाहोनो नाडा आरो बिसोरनि डाइटआव हेल्दी मुवा-बे सादफोरखौ लाहोफानांगौ। बेनि अनगायैबो बिसोरखौ केयार खालामनो थाखाय माखासे राहा लामाखौबो आजावाननै लानो



हागोन। (1) अखानि बोथोरव बिदुड दावखोलाय-फावसायलाय जाबाय थायो। लोगोसे थाम्फेफोरनि गाग्लोबनायावो बारयो। बेबादियाव गथ 'फोरनो एरैबादि जि गानहोनांगो, जायजों बिसोरनि आखाइ आधिफोरवो आबुडै खोबनानै तायो। बे बोथोरव गथ 'फोरनो गोबा एबा कटननि गस्ला गानहोनांगो आरो बिदुं बादियै सोलायबाय थानांगौ। (2) अखानि बोथोरव

गथ 'फोरखौ थाम्फेफोरनि गाग्लोबनायनिफ्राय रैखा कालामनो थाखाय आबुं गस्ला गानहोनायनि अनगायैबो खथायाव मस्कट लिक्विडबो बाहायनांगौ। थाम्फेफोरखौ एरैबादि जि गानहोनांगो, जायजों बिसोरनि आखाइ आधिफोरवो आबुडै खोबनानै तायो। बे बोथोरव गथ 'फोरनो गोबा एबा कटननि गस्ला गानहोनांगो आरो बिदुं बादियै सोलायबाय थानांगौ। (3) माखासे सुबुंफोर अखा बोथोराव गथ 'फोरखौ सानफोरमबो थुखैनो नाड सानो। नाथाय बेबादि नडा, मानोना गथ 'फोरखौ इन्फेक्सननिफ्राय

रैखा मोनहोनो थाखाय सानफोरमबो थुखैनांगो। नाथाय थुखैनायनि उनाव मालिश खालामनांगौ। अदेबानि गथ 'फोरखौ थुखैनो थाखाय बिदुं बादियै गुसु एबा गुदुं दै बाहायनो हागोन। (4) अखा बोथोराव गथ 'फोरखौ बेरामनिफ्राय रैखा खालामनो थाखाय बिसोरनि इमिडनिटीखौ स्टू खालामनांगौ। बेनि थाखाय गथ 'फोरनो फिथाइ, दालि आरो गोथां मैंग-थाइंगफोरखौबो जाहोनांगौ।

## आंनि जीउनि थांखि

आंनि थांखिया दिनें मोखथां,  
आंनि मिजिज दिनें थार  
गुवार फोथारनि अन्नायाव।  
रंजानाया दिनें समायना महर लाबाय।  
नाथाय आंनि जिउनि थांखिया जाफुदोब्लाबो-  
आंनि जिउ थरथिसेआ दिनें  
जाबाय थोरलौ-थोफौ थि जायगा  
दाबसेयाव गैया आलो जिरायनो।  
जोनोमखौ जादोमोन कक्राझारवा  
नाथाय दा थांगोन आं  
जायगा सिथाय गैये गुबुन जायगायाव।  
गोसोआव गोजोन्नाय गैया  
थांखिया जाफुदोब्लाबो माबोरे  
गालानो कक्राझारखौलाय।  
थांखिआ आंनि हादोर रैखा खालामनाय,  
जिउ दान होनानें आफा बुरा बाथौनि-  
दहाय लानानें हादोर रैखा खालामनाय  
मेगननि मोदेखौ बोहेगलाब होनानें  
नागारना थानोसें आं कक्राझारखौ।  
बाय-बाय कक्राझार आं थानोसें।

मुस्रि अरगा बसुमतारि

## दावहा

जादोसें हनें  
बर'हारिनि गेजेराव  
गावजों गाव दावहा।  
बिसोरबो बैसोखौ  
नायनो हालिया  
बैसोरबो बिसोरखौ  
नायनो हालिया जादों।  
बर'हारिनि गेजेराव  
गावजों गाव दानलाय-सुलाय  
मानि थाखाय मानि जाहोनाव  
सोरखौ लानानें  
बर'हारिनि गेजेराव  
गावजों गाव हारिजों हारि  
दावहा जादों।  
नोबो बर'हारि  
आंबो बर'हारि  
मानो जानांगो  
गावजों गाव दावहा।  
दावहाखौ ज़ाब गारनानें  
हारिखौ गोजौ दैखानो  
खौसे जादो।  
बिदा-फंवाय बायदि  
अनलायनांगो।  
दुखुखौ गारनानें  
सुखुखौ लावो नांगो।  
बर'हारिया खौसे जायाब्ला  
गुबुन हारिजों नाखेब जागोन,  
मुगै जागोन आरो मिनि जागोन।  
बेनि खायनो बर'हारिया  
गुबुन हारि बायदि खौसे जानांगो।  
बर'हारिया जेब्लाबो खौसे जादों।

मिथिसार नाजरी  
गामि-चितनागुरी।काली टाइगार रिजार्भआव केनपी वाक  
खालामनो हागोन दावबायारिफोरा

गोदान दिल्ली, 24 जुलाई : टाइगार रिजार्भआव जंगल अखा हानाय बोथोरव दावबायारिफोरा बांसिन ट्रेकिंग खालामनो मोजां मोनो। करना जेनानि समाव ट्रेकिंगखौ मोजां मोन्नायआ बांदों। बेजों इनफेक्सननि खैफोतआ खम जायो। बेनि थाखाय दावबायारिफोरा हादतनाडेनि सायख' जानाय जायगाफोराव ट्रेकिंगनि थाखाय थाडो। आथिखालाव सुबुंफोरा टाइगार रिजार्भआव गोबां दावबाय हैदों। दावबायारिफोरा टाइगार रिजार्भआव केनपी वाकबो खालामनो हागोन। बेनि काली

थासारिखौ नायनाने गोसोआव जोजोन्नाय मोनगोन। बेयो फांने बिफानि गेजेराव थाबथाथे दं आरो बेनि जौथायआ 30 फुट गोजौ। काली टाइगार रिजार्भनि बिबानगिरिनि बादिब्ला, 4 बोसोर सिगांनो केनपी वाकआ थियारि जादोंमोन। नाथाय माबेबा जाहोननि जाहोनाव बेखौ खुलिनाय जायाखैमोन। आथिखालाव केनरी वाकखौ खुलिना होनाय जाबाय। लोगोसेनो कुबेशिआव थानाय दुधसागरनि दै बोहैनायखौ नायनो हागोन। काली टाइगार रिजार्भखौ ट्रेकिंगनि थाखायबो

फै नों अनजालु खाथिआव फै,  
सिमां मोकथां जों आंजों गेले फै;  
फागुननि आबिर लाना फै;  
थाखुमा-थाखुमा, आंखौबो फुनना होफै।  
नुबाय आं नोखौ ददे फांदा-  
हाइली खानाय रुमबां,  
मिनिखेरी गुफुर गावदां,  
फारनै खावलाय जारं-रां,  
गारांआ नौनि मिलौदो स्रां-स्रां,  
नडा गोसोआ हारां-हाथां।  
लुबैयो आं रजेनि, फागुन खौरां,  
सना नों मेहेर हाइनारी आजं-गाजां  
मा मंजों रायदावनो आं, सिगां-सिगां ?  
दाजा नों आंखौ लाजिहां-गिहां;  
अन्थाय बिखा नडा रजे आं।  
नों जिउनि थार अनजालु-  
गोबों इसिनि हाइना मुलि;  
होफै बिखायाव गोजोन खुलि,  
दाजा नों सना थगायसुलि,  
नों नडाबा संसारा गोथेसालि,  
मिजिआ आंनि फेलें संगालि,  
थै हाइनानि रजे-  
सिमां जौल', आन्दो-आन्दो जोदोंसें;  
संसार गाथोना नोखौसो नेना दंसै  
फागुन देखोआ हनें, लेंहर बायसै;  
मिथिगायाबो जुलिनि इसारासै।

मिस सनजिला मोसाहारी  
गामि - कुलकुमारी  
फरायसालि-कासाबारी हाइ स्कुल  
जिला-कक्राझार बि टि सि आसाम

## दायआ सोरनि

फागुन दाननि रानभाव गोरान लामानि  
दावबायारि बबेबा थांखिनि  
नाथाय सिनाया आं बैसिम सहैनायनि लामाखौ  
मिथिगो बेखौल' अरायबो मोजां लामाजों थानांगो।  
लामानि दुबुद गोरान बारआ  
बारलुंनाने हादि सारलांवाय आंनि मेगनाव,  
आं एसेबो नायनो हायाखिसै  
खाथि खालानि जिरादखौ नुनो मोनाखिसै।  
आं जेब्ला आन्दानयनाने थाबायबाय थायो,  
सोरबा सिखिरि मानसिया आंखौ बोलांफायो,  
आंदि बेसेबां गोजोन्नाय मोनदों  
बेजोंनो सौहैफासिगोन सानाने  
गोसोआव बायदि मिजिं लानाने।  
रंजानायजों बेखौ सानफ्राडाखे मोनदि  
आं माबायदि लामाजों थानों।  
गुमुरखौनो मोनाखैमोनदि  
आं सौथु लांवाय थानों,  
दसे उनाव जेब्ला दैमा बारनो हमो  
अब्लासो आंनि गोसोआ गिखाडो  
दैजों मोखां सुम्रायोब्ला  
गिलु बालु हाग्रामा सिगांथिं नुहुरो।  
थाबैनो गिदिफिनो आं सिगांनि लामाथिं,  
मोनहैफिनगोन आं गोजाम आगानखौ।  
नाथाय बबेआव मोनबावगोन बारगा' लानाय समखौ ?  
बेनिथाखाय आं आंखौनो  
माबोरैहाय दायनिगिरि खालामनो  
आंनि मोजां गात्रिखौ बिजिरनो  
गुबुनखौ आं मानो हांखायनो ?

मुस्रि गब्ला बसुमतारि

## रंजालि गथ' फोरनि सौरा

## थुनलायगिरिनि लायजाम हा फिसा हौवा दाव

गोबों बुंजासे गोरोन्थिखौ सुम्रां-  
लायजाम बियो थुनलायगिरिनि,  
मिलौ हाबनाय रोसि बरहा बेरे मोदे बाहानि,  
मेहेर गोनां खबामजों सुजुनाय गोरा आखायनि।  
दड' बे लायजामावनो हारि, हारामुद अनफावरि-  
सोरजिलु 'सनानि माला' आरजिनारनि,  
बोसोन्थि गोनां बिशम्बि-  
जायखौ जेब्लाबो खर' गंगलाये गोसो खानांगौ जायो।  
गुरैये खावलायनाय-  
नोंथाडबो खनथायगिरि जानो सानो नडा होमब्ला ?  
जेराव सुबुं हारिआ महरै-मोखाडे मिनिसोरां,  
बिखा फांदां, जौस्रां-देतस्रां।  
हारिनि गोदो लांनाय, बावगार लांनाय,  
नेसोन फोरखौ लाय-  
सोर बुरखं बावनांगौ दालाय,  
बिखा बुंजासे सान बोलावरि दं नोनावबो अराय।  
जेबोला सानहाब-गोमोहाब,  
आसार-आखु सुबुं सोदोमश्रीनि,  
रोखा महरा बेरखोंगोन अराय समनि,  
बेनो थार थुनलाय मोनसे हारिनि।  
जारिमिनखौ लानाने जेब्ला-  
बिजिरफले-बिजिरफले नायबिजिरगोन,  
मोनसे सोदोमश्रीनि थार गुमुरा-  
अब्लासो मोकथाडव महर मोनगोन।  
समजों जुजिथाब-जुजिथाब-  
लंथायखुलिआ थिर-थिरे जोरलांगोन,  
बिब्बिब्लासो जारिमिनारि  
थुनलाय बिजिरनाया रोखा जागोन।  
जाथार मारोब्ला नोंथाड सासे रोंग'थि गोनां खन्थायगिरि,  
हारि सिबिसुला थुनलाय अनसुला-  
मुगानि बेसेन नागिरसुला,  
नोंनि गोबॉनि सानबोलावरिआनो दाफुंलांगोन थुनलायनि  
लैथोमा।

बै गोजाननि हाजो-  
नैबे जौनि खर'सानि मोथांखोर अखां,  
रुजुनायाव बेसेबा साज्रां-साज्रां,  
गुनखौ नायबोला बेसेबां आजं-गाजां।  
थेवबो नाथाय सानफलाडे नडा होमब्ला ?  
अखां सा-सा हाथखिं थुखलायनो,  
गोसोजोंनो हिमालय हाजो बायदि जानो,  
जौनि राव थुनलायनि बेरे मोदे बाहा बानायनो।  
जानोबो हागौ बेखौ सानाने लानांगौ,  
जौनि जौगाहानाय-  
राव थुनलायखौबो,  
अराय धोनि खालामनो नाजा नांगौ।  
सुबुंनि देहानो नांगो जानाय-लोनाय गांनाय-उखैनाय-  
न' बां आय' -अलंकार बेसेबांसा साजायनाय,  
सानश्री-मुश्री मिलौनाय, गोदै-गोखा मेजेरनाय,  
दं थुनलायनावबो अराय उखैनाय।  
बिदिब्ला फैदो गोनो-गोथो दाख्लामदो,  
लिरहां-माहां सानहां-हां समखौ दा हगारदो,  
साबायखर गोजोनदो थुनलायगिरि-  
थाबैनो खोलोम दैनाने लिरदोलाय फारि-फारि।  
खुगाजों गोत्रामब्ला बावगार लांगोन  
लिरनाने दोनोब्ला सानफा-एफा बारायबोला,  
हाबाब सना नोबोथ' खम नडा-  
लैथो सा-सा जावगोन थुनलायनि दिडा।

मुस्रि लालमहन बसुमतारि  
बिजनी, चिरां

## फिन्नाय मोनै

सानदोंमोन आंलाय  
नोंनि अन्नाय मोनगोन,  
सानाखैमान आंलाय बेरेखा  
नोंनि खुगानिफ्राय।  
हरदोमोन आंलाय नोंनो अन्नाय  
नेवसिखो मानोबा नों आंनि अन्नाय,  
नेदोंमोन आंलाय नोंनि फिन्नाय  
हराखै मानोबा नों आंनो फिन्नाय ?  
सानदोंमोन आं नोंखौनो  
जीउनि अनजालि बानायनो  
नाथाय.....  
फैमाल थांवाय आंनि सानाय।  
जाबाय आडे गोदाव सोराव  
नोंनि फिन्नाय मोनैआव।

मुस्रि मिजिक बसुमतारि  
फरायसालि-कासिकत्रा  
थाखो- जिसे (11)  
दत्तपुर, चिरां।

हा फिसा हौवा दाव,  
हा फिसा हौवा दाव।  
अखा नाइसि नाइसि  
दान खोमसि हराव  
रिफिनो आय'  
दुखु- दाहा नौनि  
गाबनाय देखोआ।  
फांसे बिफानि दालाइयाव  
बानाने फिसा हौवानि देखो  
बोयो आय' नों मोनो ?  
नोंनि दुखुनि देखोआव  
बुहुमनि सुबुं हारिया  
जावरि खांदों।  
गोहो बिर जोहोलावनि  
बिमामोन नामा नों ?  
नाथाइ दा जानांवाय  
दुखुथिया,  
हा फिसा हौवा दाव।

मुस्रि जांगिला बसुमतारि  
16 नं आमगुरि ( जेजिरमाखा )  
एस.ए.ह.स. सेथि बोसोर  
देबरगाव हाइ स्कुल

## गोजा गलाब बिबार

फालगुन दाननि जावलिनाय बाराव।  
सानस'नो हाथै लाइमोन बैसोआव  
गुवार गोसोनि अन्नाय लानाने  
मोजां मोन्दोंमोन रजे  
आं नोंखौ जेब्ला।  
अब्ला, नों आंनि बायराव  
देरानि लांगोनायाव बारदोंमोन  
सानसोनि गोजा गलाब बिबार।  
दिनें बै गोजा गलाब बिबार बहा ?... ?  
नाथाय , नोंदि बै सिखिफोरनि  
गेजेरावसो बारहैनाने दं।  
आंनि बेसेबा गोजानावसो. ....।  
नों, मोदोम जायाखैथ',  
सिखिफोरजों बिदै सोबजानो।  
बिबिदिनो, रजे नोंखौ आं  
हास्थायदोंमोन मोकथांआव।  
नाथाय नोंदि बावगारलांवाय  
अब्लाबो आं नोंखौ गोबोंजों  
मोजां मोन्दोंमोन...  
जाफुं होनो थाखै.....  
नाथाय सानाखैमोन नों रजे  
आंनि अन्नायखौ सैथो गोथार होन्ना।  
जाउनाव जानांवाय आं दिनें  
लोगो गोमाजानाय दाउसा माउरिया  
बिदिब्ला रजे बुं बै समनि  
अन्नाया बेसेन गैयामोन नामा।  
जानो हागौ आंदि गोरोन्थि  
खालामबाय बनि थाखाय नों  
आंखौ नेवसिगारनो हागौ।  
नाथाय, नोंबो इसेबां गिदिर  
समाय लानायखौ गियाखैसै।  
ना नों समायखौ फिसा  
होन्नानें सासनबाय नामा।  
ना फालगुन दाननि थिं थिं  
सानुं दुंनयाव रानिज्रालानो  
हमबाय नामा बै गोजा

लकनाथ नाजरी  
ला:सो: पाटगाव  
जिला-कक्राझार।



## नायगिरिफोरनि थाखाय मोजां खौरां गडजिला वर्सेज कंगा सावथुना नुजानायनि लामायाव

गोदान दिल्ली, 24 जुलाड़ : मुलुगनाडै रां आर्जिनो हानाय बलिउड सावथुन गडजिला वर्सेज कंगाआ आधिखालाव एमेजन प्राइम मिडियआव स्ट्रीम जासिगोन। सावथुनआ बे बोसोरनि मार्चआव सिनेमा हलफोराव रिलिज जादोंमोन नाथाय कभिड-19 नि थासारनि जाहोनाव गोबां सुबुंफोरा सावथुननि मुलाम्फाखौ सिनेमा हलफोराव लानो हायाखै। बिसेरनि थाखाय आधिखालाव बेयो मोजां खाबु जादों। सावथुन प्राइमआव 14



आगस्टआव मोन 9 रावफोर इंग्रजी, हिन्दी, तामिल, आरो तेलुगुआव स्ट्रीम खालामनाय जागोन। गडजिला वर्सेज

हल, ब्रायन टायरी हेनरी, शुन अगुरी, आइजा गन्जालेजजों लोगोसे माखासे मोजां फाव गिरिफोरखौ गाहाय फाव खालामनायाव नुनो मोनगोन। गजिला वर्सेज कंग 2017 आव फेनाय कंग स्कल आइलेन्ड आरो 2019 फेनाय गडजिला किं अफ दा मन्सटार्सनि सीक्वेल। बियो किं कंग फ्रेन्साइजीनि 12थि आरो गडजिला फ्रेन्साइजीनि 36 थि सावथुन। बे सावथुनआ भारतआव 24 मार्चआव इंग्रजीनि अनगायै तामिल-तेलुगु आरो हिन्दा रावफोराव 1700 निफ्राय बांसिन

स्क्रीनफोराव रिलिज खालामनाय जादोंमोन। मिड वीक रिलिज जादोंब्लाबो सावथुनआ 6.40 कौटिनि साबसिन अपनिं लादोंमोन, जेराव 40.06 कौट रां आर्जिंदोंमोन। गडजिला भसेज कंगनि रां आर्जिनानयनि गिदिर बाहागोआ खोला भारतनिफ्राय फेदोंमोन। जेराव सावथुनआ इंग्रजीजों लोगोसे तामिल आरो तेलुगु रावफोराव रिलिज जादोंमोन। भारतआव कभिड 19 नि थासारियाव गात्रि जानायनि सिगां सावथुनआ गासै 50 कौटि रांखौ बक्स अफिसव आर्जिनो हादोंमोन।

## प्रियंका चपड़ाआ मुम्बाइनि मोन्ने प्रपार्टिखौ फानबाय



भाहू होनानै प्रियंकाया दानफ्रोमबो 2.11 लाख रांखौ मोनो। मख'नो गोनादि, बेनि सिगां प्रियंकाया थानाय बोसोरनि फेबुवारीआव लखन्डवाला कमप्लेक्स, अन्धेरी वेस्टआव थानाय करण एपार्टमेन्टआव 4 थि फ्लरआव थानाय गंसे एपार्टमेन्टखौ फानदोंमोन। बेनि बेसेन 2 कौटि रांमोन। प्रियंका चपड़ा आरो बिनि फिसाइ निक जनासआ जुलिनि उनाव आमेरिक्नि लस एन्जेलिसआव न' बायदोंमोन। फोरमायनाय जादोंमोनदि, प्रियंका आरो निकआ 20,000 बर्ग फुटनि सम्पत्तिखौ बायदों आरो बेनि थाखाय बिसोरो 144 कौटि रांखौ खरसा खालामदोंमोन। निकयकनि बे गोमोथाव न'आव 7 बेडरूम, 11 बाथरूम, तेरिस आरो थोजासे आउटडोर स्पेस दड। बे बाश्राखौ प्रियंकानि बिमा मधु चपड़ाया गावनो रोखा खालामदोंमोन। प्रियंकायाबो माखासे खेब गावनि समायन न'नि सावगारिफोरखौ सेयार खालामदोंमोन। निक आरो प्रियंकाया डिसेम्बर 2018 आव जुलि जादोंमोन।

गोदान दिल्ली, 24 जुलाड़ : फावखुंनि प्रियंका चपड़ाया गावनि प्रपार्टिखौ लानानै खौराडाव थादों। मिडिया रिपर्टनि बायदिल्ला, प्रियंकाआ गावनि माखासे प्रपार्टिखौ फानदोंब्ला माखासेखौ भाराआव दोन्दों। बावैसो समाव फेनाय रिपर्टनि बायदिल्ला, प्रियंकाया मुम्बाइआव बे बोसोरावनो मार्चआव 7 कौटि रांनि प्रपार्टिखौ फानदों। बेवहाय बसंवा, अन्धेरी वेस्टआव राज क्लासिक बिल्डिंआव गंसे

एपार्टमेन्टआ 7थि फ्लरआ दंफादोरो। जथायनि बेसेना 3 कौटि रां। फार्सेथिं बे फलरआवनो गंसे गुबुन एपार्टमेन्टखौ बियो 4 कौटि रांयाव फानदों। बेल' नडा प्रियंकाया मुम्बाइआव गावनि अफिस स्पेसखौबो भाराआव होदों। प्रियंकानि बे अफिस प्रपार्टिआ मुम्बाइनि अ' शिबाड़ायाव दड, जायखौ बे बोसोरनिनो जुनाव भाराआव होनाय जादों। 2040 स्क्वायार फुटआव थानाय बे अफिसखौ

## सुहाना खानआ आरोबाव ग्लेमास आखु दिन्धिबावदों



मुम्बाइ, 24 जुलाड़ : शाहरुख खान आरो गौरी खाननि फिसाजो सुहाना खानआ ससेल मिडिया स्टार। सुहानाया आधिखालाव गोदान सावगारिफोरखौ पस्ट खालामदों, जेराव बिखौ गोबां समायना नुदो। बे समाव सुहानाखौ केजुएल लुक आव नुनो मोन्दों। जर'खा बाश्राया बेनोदि, बिनि सावगारिफोरखौ गौरी खानआ क्लिक खालामदों। सुहानाया गुफुर टपजों लोगोसे डेनिम शर्टस गान्दों। बियो गावनि लुकखौ

सिम्पलआव दोन्दों। आखाइयाव सफ्ट ड्रिंक हमनानै सुहानाया आलादा-आलादा आखुआव पज होदों। बेराफार्सें बोहैनाय नानि अनगायै गौरीआबो गावनि ससेल मिडिया एकान्टन्टजों बे सावगारिफोरखौनो शोयार खालामदों। बियो केप्सनआव लिरदों-निला गाबआ आनिं मोजां मोन्नाय गाब। बेनि सायाव शाहरुखआ लिरदों-सावगारिआव नों जेखि गाबखौ लादोंब्लाबो सुहानाया बेवहाय दड जाय जौनि मोजां मोन्नाय गाब। सुहानाया गावनि बिमाखौ बेस्ट फटग्राफार होन्नानै फोरमायदों। बेराफार्सें सुहानानि एकाउन्टनिफ्राय शोयार खालामनाय सावगारिफोराव कमेन्ट खालामनानै शाहरुख खानआ लिरदों-मा आं बेखौ दिन्धिफ्लानो हागोनना, बेयो नों आरो बेयो हरखाबै जानाय जाथाय। सुहानानि बे सावगारिफोराव बिनि लोमो शनाया कापुर बिनि बिमा महीप कापुरआ कमेन्ट खालामदों। मख'नो गोनादि, सुहानाया बे समाव गुबुन हादरआव गावनि सोलों थायखौ लागसिनो दड।

# गाहाम देहानि राहा

## अलिभ अयेलआ बिखानि थाखाय मुलाम्फा गोनां



अलिभ अयेलआ बिखानि थाखाय मुलाम्फा गोनां भारतआव गोबां बोसोरनिफ्रायनो जाग्रा आदार बानायनो थाखाय बेसरनि थावखौ बाहायबोगासिनो दड। नाथाय बावैसो बोसोरनि अयेलआव पलीफेनलनि बिबाडा बांसिन थायो, जाय अयेलखौबो मोजां मोननो हमदों। बेनि आन्दोनि गिदिर जाहोना बेनोदि, अलिभ अयेलआ बिखानि थाखाय मुलाम्फा गोनां जायो। अलिभ अयेलजों जाग्रा आदार बानायनानै गाहायाव होनाय मुलाम्फाफोरखौ मोनो हायो। डा: रन्जना सिंनि बादिब्ला, जाग्रा आदार बानायनो थाखाय एक्स्ट्रा भाजिन अयेलखौ बाहायनांगो। मानोना बेयाव मन'सेचुरेटेड फेटी एसिड, पलीफेनल, भिटामिन-इ बायदि देरहोरा-लावहोरा गुणफोरनि थाखोआ बांसिन

बेयाव आनहेल्दी फे टनि बिबाडा गोबां खम थायो। अदेबानि देहायाव आनहेल्दी फेट बारायनायजों मेजेमआ बारायनो हमो आरो देहाया गुफुं जानो हमो। (3) टाइप-2 डायबेटिसनि बेरामिफोरनि थाखाय अलिभ अयेल जानाया मुलाम्फा गोनां। मानोना बेयाव टाइप-2 डायबेटिसनिफ्राय रैखाथि होग्रा गुण थायो, जाय देहायाव ब्लाड सुगारनि थाखोखौ खम खालामो आरो इन्सुलिन सेन्सिटिभिटीआ गाहामै थायो। (4) अलिभ अयेल बाहायनायजों देहायाव खहा गोनां बे क्टेरिया सोमजिनयाखौ होवथायो आरो बेफोरखौ फोजोबसाडोबो। बेखौ जानायजों उदैयाव जानो गोनां हेलीकबेक्टर पाइलरी बे क्टेरियानिफ्राय रैखाथि होयो। मानोना बे बेक्टेरियाआ उदैयाव आल्सर आरो केन्सरनिबो जाहोना जानो हागौ। (5) देहायाव गोबाव समसिम बुखानायजों अर्थराइटिस, मेटाबलिक सिन्ड्रम, अल्जाइमर बायदि जेनाफोर जानो हागौ। नाताय अलिभ अयेलआव एन्टि-इन्फ्लेमेटरी गुण थायो, जाय देहायाव गोबाव समनिप्राय सोलिबोनाय बुखानायखौ खम खालामनायाव मदद होयो।

## दा कपिल शर्मा श्व'याव बाहागो लानो सिगांवाय सुदेश लहरीआ

गोदान दिल्ली, 24 जुलाड़ : टिभिनि मुंदांखा कमेडि श्व' दा कपिल शर्मा श्व'आ थाबैनो फे फिनसिगोन। श्व'खौ जागायसिगोननि खौराडा सोराडव फेनायनि उननिफ्रायनो फेन्सफोरा गोबां उसुखुथु जादों। बेखेबआव आरोबाव कपिलनि बे श्व'आरो बेनि फावगिरिफोरा दोहौ गोनाडै खौराडव थानो जागायदों। फार्सेथिं बे श्व'जों सोमोन्दो गोनां माखासे खौरांफोरा मोनसेनि उनाव मोनसे सोरडव फेदों। बावैसो समाव श्व'खौ सिम'ना चक्रबर्तीनि नागरनाय खौराड साफ्रोमखौबो दुखु होदों।



फार्सेथिं आधिखालाव आरोबाव मोनसे खौराड सोराडव फेदों। नाथाय बे खौराडा साफ्रोमबो नायगिरिफोरनो खुसिखौ होगोन। मख'नो गोनादि, फावखुंनर आरो कमेडियन कृष्णा अभिषेकआ गावनि इन्सटाग्राम एकाउन्टआव मोनसे भिडियखौ सेयार खालामदों। बे भिडियआव बियो बुंदोंदि, कमेडियन आरो आधिखालाव दा कपिल शर्मा श्व'नि बाहागो जाखानाय सुदेश लहरीआ गंसे गारिखौ बायदों, नाथाय बे गारिया सेकेन्ड हेन्ड। भिडियआव नुनो मोन्दोंदि, कृष्णाखौ लामा सेयार बेरायनाय नुनो मोन्दों। बे समावनो कृष्णाया भिडियआव बुंदोंदि, आं सुदेश जीनि सोमोन्दै मोनसे बाश्रा फोरमायनो सानोदि, सुदेशआ गंसे सेकेन्ड हेन्ड गारिखौ बायदों। बियो

## बिग बस 15 अटिटिआव सलमान खान एबा शिद्धार्थ शुक्लानि अनगायै करण जहरआ श्व'खौ हस्ट खालामसिगोन

गोदान दिल्ली, 24 जुलाड़ : टिभिनि बयनिक्रुडोबो मुंदांखा रियेलिटी श्व'नि गेजेराव मोनसे बिग बसआ गावनि 15 थि सिजनजों लोगोसे नायगिरिफोरनि सिगाडाव फेसिगोन। ईदनि काबुआव सलमानआ श्व'नि गिबि प्रमखौ लन्च खालामदोंमोन। लोगोसेनो बे केबआव श्व'आ माकासे गोदान लानानै फेसिगोन। मख'नो गोनादि, गिबि खेब बिग बसनि प्रिमियरआ सेनेलनि अनगायै अटिटिआव जागोन। लोगोसेनो बे खौराडाबो फेदोंमोनदि, अटिटिआव बेखौ सलमान खानआ हस्ट खालामनाय नडा। सलमान खाननि उनाव बिग बसनि मुंदांखा सिद्धार्थ शुक्लानि मुड फेदों। खौरनि बादिब्ला, सिद्धार्थखौनो बे खेबआव बिग बसखौ हस्ट खालामनाय नुनो मोनगोन। बेखौबो बुंनाय जादोंमोनदि, सिद्धार्थजों लोगोसे सेनेहाज गिलआ श्व'खौ हस्ट खालामगोन, नाथाय आधिखालाव बेयो सोराडव फेबायदि, अटिटिआव सोर स्वखौ हस्ट खालामगोन। रिपर्टनि बादिब्ला, करण जहरआ डिजिटेल स्पेसनि थाखाय सलमान खाननि रियेलिटी स्वखौ हस्ट खालामगोन। श्व'आ बावैसो समाव बिग बस



अटिटिनि प्रिमियरखौ फोसावदों आरो श्व'नि गिबि 6 सप्ताहनि एपिस्वडखौ नायगिरिफोरा

24X7 नायनो हागोन। मेकासंआ बेखौ फोसावनायनि उनाव नायगिरिफोरा गोबां खुसि जादों। बे खेबआव बिग बस अटिटिनि हस्टनि बिबानखौ सावथुन मेकार करण जहरनो गथायनाय जादों। करणआ गावनि श्व'खौ कफी उइथ करणखौ लानानै गिबियावनो खौराडाव थादों। बिनि बे श्व'आ गोबां जाफुंसारनो हादों। मिडिया रिपर्टनि बादिब्ला, मेकासंआ बिग बस अटिटिनि थाखाय करण जहरखौ एप्रस खालामदों आरो बियो बेनि सायावबो गनायबाय।

## शिल्पाआ फिसाइ राज कुन्दाखौ मदत खालामदों

गोदान दिल्ली, 24 जुलाड़ : फावखुंनि शिल्पा शेट्टिखौ जेना फोराव बेंखन्ना थानाय नुनो मोन्दों। शुक्रबारनि मोनाबिलियाव फिसाइ राज कुन्दाखौ लोगोसे लानानै जुहुआव थानाय बिसोरनि न'आव सौहैनानै मुम्बाइ क्राइम ब्रान्सनि हान्जाया राज-शिल्पाखौ मोखांजोंमोखां फज'नाने 6 घन्टासिम सौथि सोंदों। बे समाव क्राइम ब्रान्सआ अश्लील सावथुन केसआव शिल्पा शेट्टिनि बिबुंथिखौबो थिसन्दों। आधिखालाव मिड डेनि मोनसे रिपर्टनि बायदिल्ला शिल्पा शेट्टिआ दासिमाव रोखा महरै अश्लील सावथुन बानायनायनि

दायआव गावनि थाफादेरनायखौ गनायाखै। रोखा महरै शिल्पाया नायबिजिरग्रा हान्जानो गावनि बिबुंथिखौ थिसनानै बेखौबो दाबि देखांदोंदि कुन्दानि एप हटशटआव मोन्नो हानाय सावथुनफोराव अटिटि प्लेटफर्मफोराव थानाय गुबुन सावथुनफोरनिफ्राय खम अश्लील दड। बेनि थाखाय बियो बिबुंथिबो होदों आरो बुंदों, बेयो अश्लीलनि अनगायै हर टिकासो। नायबिजिरनायजों सोमोन्दो गोनां सुलुंनि बायदिल्ला आधिखालाव केसआव शिल्पाखौ थाफादेरनायनि नायबिजिर



गासिनो दड। सुलुंआ फोरमायदोंदि शिल्पाया सौथि सोनायफोरनि बेंखनथायाव फेनायनि जाहोना बेदि बियो बियान इन्डारिफोराव बिथोनगिरिनि मासिनिफ्राय बिबान एंलायबाय। अश्लील प्रडावसन आरो रान्ना होनायनि सामलायनायखौ जेना गोनां महरै बियान इन्डारिफोरनि गेजेरजों खालामनाय जायोमोन बेनिखायनो

पुलिसआ ब शिल्पाया कम्पानीनिफ्राय जायखि जाया मुलाम्फा जादों नामा बिखौनाय मोन्दों। सुलुंआ बेखौबो फोरमायदोंदि बेनि थाखाय शिल्पानि बैंक एकाउन्टखौबो नायबिजिरनाय जागोन आरो क्राइम ब्रान्सआ बेखौबो मोनथिनो नाजागोनदि बियो कम्पानीनि । बिथोनगिरिफोरनि गेजेराव सासे महरै बेसेबां सम सिम हाबाफारि मावदों। गुबुन फार्सेथिं कुन्दायाबो जेना गोनां महरै केसआव गावनि सायाव जाबसिननाय गासिबो दायखौ गनायाखै।

## करना इन्फेक्सननि समाव नुजाथिनाय सुबुंथिनि खैफोदनि समाव बुद्धनि सान्नाय-हनायफोरा मदत होदों: मदि

गोदान दिल्ली, 24 जुलाई: गहाय मन्थि नरेन्द्र मदिआ शनिबारखालि गुरु पुर्णिमानि समाव आधार पुर्णिमा-धम्म चक्र साननि हाबाफारिआव बाहागो लादों। बे भाचुएल प्रग्रामआव बिथाड बुडोदि, आधिखालाव इन्फेक्सननि समाव सुबुंथिनि खैफोदनि थासारि जानाने दड। बे बायदियाव भगवान बुद्धआ जौनि थाखाय आरोबाव बुद्धनि दिन्थिनाय लामाजों हाथिनाने गिदि-र-गिदि-रिसन सेलेन्सफोरजों जों माबोरै जुजिनो हायो, बेखौ भारतआ



खालामनाने दिन्थिदों। बुद्धनि सैथो आरो समान्थि सान्नाय-हनायखौ लानानेनो मुलुगनि हादरआ गावजों-गाव आखाइ

खौरंखौ जौनो फोरमायदोंमोन। बिथाड दुखुनि आरो दुखु जानानायनि जाहोनफोरनि सोमोन्दे फोरमायदों। दुखुजों देरहानो हायो आरो बे देरहानायनि लामायाबो थि खालामजानो हागौ बेखौ बिथाड फोरमायलादों। बुद्धआ जौनो जिडनि थाखाय मोन 8 सान्थो फोरमायलादों। बेफोर जाबाय-समान्थि नोजोर होनाय, समायखिरा लानायखौ मावफुनाय, मोजां बाथा बुनाय, मोजां हाबा मावनाय, थानाने थानो थाखाय मोजाडै रंखाथि खामायनाय, गोसो होनाने नाजानाय, समान्थि गोसो लानाय, गोसोखौ खौसेथि लाखिनाय। बेफोरखौ जौनि जिडआव थियै लाखिनो हायोब्ला जों सुखुखौ मोनो हायो। जों फालिनाय गुरु पुर्णिमानि सान खालिनो भगवान बुद्धआ जौमा गियान मोन्यायनि उनाव गावनि गियानखौ मुलुगनो गिबिये होदोंमोन। जौनियार बुनाय दडि, जेराव गियान दड, बेयाव गासैबो आबुडै दड। बुद्धआ बुदोंदि, दिदोमथि गैये जानला-मोनला सान्नाय-हनायजों गोसोआ दिदोम एबा शान्ति जाया, गुवार सान्नाय-हनायजोंसो गोसोआव दिदोम शान्ति फैयो। मुलुगआ बेखौ मोन्दाथिदों। बुद्धनि बे गियानआ जेसेबां बांसिनै गोसारगोन, मुलुगआ मोनसे गोदान जाफुसारनायखौ मोनगोन।

## हादतनि रांखाथि थासारिया 1991 निखुइबो जेंना गोनांसिन जानो हागौ : ड० मनमहन सिं

गोदान दिल्ली, 24 जुलाई : हादतआ रां दाहार लानायनि गुदि बिथाखौ गायसनग्रा बारग' गहाय मन्थि मनमहन सिंआ रांखाथि बेबस्थाखौ लानाने संग्रान्थि होदों। बारग' गहाय मन्थिया संग्रान्थि होनाय रावजों बुडोदि, हादतनि रांखाथि बेबस्थानि थासारिया 1991 याव जेरे बादि गात्रि जादोंमोन बिबिनो फैनो गोनां समाव जानो हागौ। सरकारा बेनि थाखाय थियारि थानांगोन। बे बाथ्रानि खुसि जानायनि नड, गोसोआव सानखानाय आरो सान्नाने मोन्दाथिनायनि सम। इयुननि लामाया 1991 नि खैफोदजों रुजुनायाव बांसिन सेलेन्स गोनां जागोन। दरसे हादत महरै जौनि गिबि मावनांगौ हाबाखौ थि खालामनाया गोनांथार, जाहाथे साफ्रोमबो भारतीयनि थाखाय गोमो देहा आरो सम्मान गोनां जिड खुनायखौ रोखा खालामनो हायो। मख'जाथावदि, 2004 निफ्राय 2014 सिम गहाय मन्थि बिबानाव थानाय हादतनि हाबा मावनाय डा. मनमहन सिंआ 1991 आव नरसिम्हा रावनि दैदेन्याय सरकाराव रांखाथि मन्थिमोन आरो 1991 नि 24 जुलाईआव बिथाड गावनि गिबिसिन बाजेटखौ दिन्थिदोंमोन। बे बाजेटखौ हादतनि रांखाथिनि रां दाहार होनायनि गुदि बिथा मानिना लानाय जायो। बे जारिमिनारि बाजेटआ 30 बोसोर फुरा



जानायनि खाबुआव शुक्रबार खालि मन महन सिंआ माखासे आयदाफोराव गावनि सान्नाय हनायखौ फोरमायदों। मनमहन सिंआ बुडोदि, गाव खाफाल गोनां सान्ना लादोंदि गाव कंग्रेसआव गोबां लोगोसे फोरजों जानाने सुप्रानायनि बे हाबाफारियाव बिहोमा होदों। बेजोंआव गोबां गोजोनायआबो गौरिब मोन्दाडोदि, थानाय 30 बोसोरफोराव जौनि हादतआ रांखाथिआव मोजां जौगाखानो हादों। बे बोसोरफोराव 30 कौटि भारतीय नोगोरारिफोरा निखावरनि बेखन्थायनिफ्राय बाइजोआव फैनो हादों आरो कौटि कौटि गोदान साखिफोराबो सौफैदों। करनानि जाहोनाव सिलिखार जानाय आरो कौटि कौटि साखिफोरखौ सुबुंफोरा खोमानानायखौ गाव जोबोद दुखु मोन्दों। गहाम देहा आरो सोलोथायनि सरासन्धा बिथिआव गोबां उन जाना थालाबाय आरो जौनि रांखाथिआव जौगाखानायजों लोगोसे समाने

बुंवावोदि, 1991 आव सासे रांखाथि मन्थि महरै बिक्टर ध्युग' (एमन्सनि खन्थायगिरि) नि बुंनाय बाथाखौ रायखानाने बुदोंमोनदि, मुलुगआव जायखि जाया गोहोआनो बे सान्नाय हनायखौ होबथानो हाया, जायनि समआ सफै खांबाय। 30 बोसोरनि उनाव दरसे हादत महरै जों आमेरिकानि खन्थायगिरि रबार्ट फास्टनि बे खन्थाइखौ गोसोखानांगोदि, जों जौनि समायखिरा लानायखौ फुरा खालामनाय आरो गोजाम लामा हाथिनानायनि उनावसो आराम खालामनांगौ।

## आबाद आइननि सायाव मन्थि रबनिट सिं बरासआ किशान संसदआव बिबान एंग्लायनो गावखौनो गथायदों



गोदान दिल्ली, 24 जुलाई: संसद भवननि अनगायैबो बिनि बाइजोआवबो मोनसे संसदनि जथुम खुदों। मोनथाम आबादरि आइननि हेंथायै आबादनि संसद जथुम खुनाय जादों, जेराव शुक्रबारखालि गासैयैनो हेंथा गैयाजासे बिलखौ पास खालामनाय जायो। पिएमसि बायपास एक्ट एबा आइनखौ बन्द खालामनांगोन दाबि दैखानाय जायो। पास खालामनाय बिलआव पिएमसि बायपास आइन एबा आबादरिनि दिहुन्थाय फालांगि आइनखौ सुप्रिम कर्टनि गेजेरजों दोन्थ नायनि सिगांनो जुन 2020 निफ्राय 2021 नि जानुवारिसिमनि गेजेराव गात्रि

गोहोम गोग्लैनायखौ सावरायलायनाय जादों। आबादरि संसदनि शुक्रबारआव लानाय हाबाफारिआ संसदनि आइननि हेंथायै आबादनि संसद जथुम खुनाय जादों, जेराव शुक्रबारखालि गासैयैनो हेंथा गैयाजासे बिलखौ पास खालामनाय जायो। पिएमसि बायपास एक्ट एबा आइनखौ बन्द खालामनांगोन दाबि दैखानाय जायो। पास खालामनाय बिलआव पिएमसि बायपास आइन एबा आबादरिनि दिहुन्थाय फालांगि आइनखौ सुप्रिम कर्टनि गेजेरजों दोन्थ नायनि सिगांनो जुन 2020 निफ्राय 2021 नि जानुवारिसिमनि गेजेराव गात्रि

## महारास्ट्रआव अखा आरो हा गिसिखानायजों सा 129 सुबुंफोरनि जिड खहा जाबाय

मुम्बाइ, 24 जुलाई: महारास्ट्रआव थानाय सान्नेनि गेजेराव गोबां अखादि दोहोनि गेजेरजों रेहाय आरो रेखा खालामनायनि हाबाफारिआ गोखैथै सोलिगासिनो दड। मानोना अखाजों सोमजिनय गात्रि थासारि आरो हा गिसिखानायनि जाहोनजों रइज्योआव सा 129 सुबुंफोर थैबाय। बेनि गेजेरजों पुणे मन्डलआव थानाय सा 84,452 सुबुंफोरखौ थानाय शुक्रबारखालि रेखाथि गोनां जायगाफोराव दोन्हेनाय जायो। जाय सुबुंफोरखौ रेखाथि गोनां जायगाफोराव लानाय जादों, बिसोरनि गेजेराव 40 रेजानिबो बांसिनआनो कल्हापुर जिल्लानि। बिबानगिरिपोरनि बादिब्ला, कल्हापुर सहरनि खाथियाव थानाय पन्चमंगा दैया थानाय 2019 आव फैन्या दै बानानि बांसिन थाखोनिखुइबो जौसिनै बोहैगासिनो दड। बे दै बानाया पुणे आरो कल्हापुरजों लोगोसे मन्डलआव थानाय सांगली आरो सतारा जिल्लायावबो फैयो। सतारा गोबां अखा आरो हा गिसिखानाय जाथायफोरजों गात्रियै गोहोम गोपलेंदों।

रइज्योयारि खैफोद सामलायग्रा बिफाननि सासे गागि बिबानगिरिनि बादिब्ला, थैनायफोरनि गेजेराव सा 38 सुबुंफोर थैनाया रायगड जिल्लायाव हा गिसिखानायनि जाहोनाव जादों। बेनि गेजेरजों हादरनि बोथोर बिगियान बिफन (आइएमडि) आ थानाय शुक्रबार बेलासिआव सतारा जिल्लानि थाखाय गोदान रेड एलार्ट फोसावनाने फैगौ 24 घन्टानि गेजेराव जिल्लानि पर्वतीय घाट ओन्सोलाव गोबां अखा हानो हागौ होन्नाने हमादडो। जेराव हा गिसिखानायनि उनाव गासै सा 30 सुबुंफोर गोमानाने थयो। पुलिसआ फोरमायनाय बादिब्ला, थानाय शुक्रबारखालि फुडव कल्हापुर जिल्लायाव गंसे बासआ दैयाव बोहैलानायनिफ्राय बेयाव गाखोनाय सा 8 नेपाली लेबारफोरजों लोगोसे सा 11 सुबुंफोरखौ रेखा खालामनो हायो। बे रइज्योआव सुबुंफोरखौ अखानिफ्राय जेबो रेहाय मोन्याय नुनो मोनाखै। मानोना आइएमडिआ दर 6 जिल्लाफोरनि थाखाय रेड एलार्ट फोसावो, जाय सिगांनिफ्रायनो अखाजों भुगिनांगोसिनो दड।

## भारतआव डिसेम्बरसिमाव भेक्सिनखौ 125 कौटि ड्रपल' मोनो हासिगोन



गोदान दिल्ली, 24 जुलाई : करना भेक्सिन थुनाय हाबाफारिखौ लानाने कंग्रेस दैदेनगिरि राहुल गान्धीनि लकसभायाव सौंथि सोन्याफोरनि फिन्नायखौ सरकारा लिस्नाने फिन होदों। बेजों भेक्सिन आंखाल जानायाबो सोरांआव फैदों, मानोना सरकारा गावनि फिन्नायाव बुदोंदि, आगस्टनिफ्राय डिसेम्बर

दानसिमाव भेक्सिननि 135 कौटि ड्रपल' मोनो हासिगोन। मख'जाथावदि बेनि सिगां बुदोंमोनदि, आगस्टनिफ्राय डिसेम्बर दानसिमाव 215 कौटि ड्रप मोनगोन। सरकारा बुंवावदोंदि करना भाइरसनि थासारिया मोजां फासै फैबाय थानायखौ नोजोर होनाने भेक्सिनस नडइभनि फुरा खालामनाय समाय सिमाखौ थि खालामना होनो हाया। अदेबानि

हमलायदों थामहिनबा मदद होलायदों। गहाय मन्थिआ बुंवावोदि, सारनाथआव बुद्धआ आबुं जिडनि गासै गियाननि

## न'आव फिसिजाग्रा जिब-जुनातखौ रिटायारमेन्ट हमाव दोन्नायनि राहा

गोदान दिल्ली, 24 जुन : जारमनीनि बटजाडिगन सहरआव मोसौ गायफोरनि थाखाय रिटायरमेन्ट हमाव बानायनाय जादों। बेवहाय मोसौ गायफोरा गायखेरखौ होनानाय नड। मोजाडे जानाने लोनाने बेवहाय आरामे थानो मोनगोन। मोसौ गायफोरनो मिथिगायारि आबहावा होनो थाखाय बे रिटायारमेन्ट हमाव गवुन गवुन मोसौफेर, गयफोर, सैमाफेर, दावफेर आरो हांसोखौबो दोन्नाय जादों। बे रोखोमे बेयो न'आव फिसिजाग्रा जिब-जुनारनि जायगा जादों। बेवहाय गासिबो न'आव फिसिजाग्रा जिब-जुनातफोर उदां थासारिआव थयो। बेसोर गावजों गाव लोगोसेथै थालायो। बेसोरखौ बेवहाय जायखि जाया रोखोमनि हाबाफारि मोवहोनाय जाया। बे

जिब-जुनातखौ जानो थाखायबो बाहायनाय जाया। बे रिटायरमेन्ट हमाखौ केरिनमक आरो बिनि लोगो जन ग्ररडेसआ सामलायो। बेयो बुदों सुबुंफोरा गोबां जिब-जुनातखौ बुधारनो गोसो जादोंमोन। बे जिब-जुनातखौ पुबुन गवुन जायगाफोरनिफ्राय लाबोनाय जादों। आधिखालाव बेसोर रिटायरमेन्टनि जिडखौ मोजाडे खुदों। न'आव फिसि जाग्रा जिब-जुनातआ बे जायगायाव 100 एकड ओन्सोलाव गोसारनाने दं। गिबियाव बेयाव डेयरी फार्म दंमोन। बेनि थाखाय मोसौ गायफोरनि मोजां थासारिखौ मोननो हादों। केरिनआ बुदों, जिब जुनातआ माबोरै गोजोनै थानो हागोन, जों बेनि सोमोन्दे सानांगौ।

## मुलुगनाडै थानाय समाव 5.67 लाखनि बांसिन पजिटिभ केस मोन्नाय जादों, सा 8,438 थैदों

वासिंटन, 24 जुलाई : मुलुगआव करना भाइरसनि थामथि दोहोआ गोसार गसिनो। माखासे हादतफोराव थामथि दोहोआ जोबोद गोखैये गोसारनो हमादों। शुक्रबारव मुलुगनाडै सा 5,87,831 सुबुंफोरनि करना रिपर्टआ पजिटिभ फैदों। बे सानखालि सा 3,99,944 करना बेरामिफोरा रेखाथि मोनो आरो सा 8,438 थैयो। आमेरिकाया करनानि पजिटिभ केसआ लान्थियैसो बांबोबाय थदों। बेयाव थानाय 24 घन्टयाव 67,135 लाख सुबुंफोरखौ करना पजिटिभ मोनो। बे सानाव सा 19,462 बेरामिफोरा डिजाज जायो आरो



सा 425 बेरामिफोरनि जिड गोमायो। सेन्टर फर डिजिज कन्ट्रल (सिडिसि) नि डाइरेक्टर, शेले वेलेस्कीया बुदोंदि, आमेरिकायाव भेक्सिन थुजायैनि मोनसे दोहो सोमजिदों। सुबुंफोरा करना भेक्सिन थुजानो सिगांबोयाखै। वेलेस्कीया बुंवावोदि, आमेरिकायाव आधिखालाव

सानफ्रोमबो 9,21,000 भेक्सिननि ड्रपखौल' थुजादों, जाय एप्रिल दानाव सानफ्रोमबो भेक्सिन थुनायनि 85 जौखोन्डो खमसिन। मुलुगनाडै डेल्टा भेरिएन्टआ गोखैयैनो गोसार गसिनो। बे भेरिएन्ट गोसारनायजोंनो भारतआ करानानि नैथि दोहो गोसारनायाव गोबां सुबुंफोर

थैदोंमोन। बे डेल्टा भेरिएन्ट इन्फेक्सननिफ्राय रेखाथि मोनो थाखाय भेक्सिनखौ गोहोम गोनां होन्नाने मानिनाय जादों। नाथाय हुनि बादिब्ला, भेक्सिननि गासैबो ड्रपखौ लाखानायनि उनावबो सुबुंफोरा इन्डर स्पेसआव मास्क गान्नाया गोनांथार। हुया सुवरुन होनाय बादिब्ला, करना भेक्सिननि मोनोबो ड्रपखौ लाखानाय सुबुंफोराव इन्फेक्सननि जेंनाया खम जायो, नाथाय बे जेंनाया ओन्सोलनि थासारि हिसाबै गवुन गवुन जायो। ओरैबादि ओन्सोल जेराव भाइरसनि इन्फेक्सननि जेंनाया बांसिन आरो भेक्सिन लानायनि हारआ खमसिन, बे बायदि जायगायाव भेक्सिन थुजा खानाय सुबुंफोरनाव जेंनाया बांसिन जायो। फासैथि जाय जायगायाव भाइरसनि इन्फेक्सन गोसारनाया खम, बेयाव भेक्सिन लाखानाय सुबुंफोरनाव इन्फेक्सन सन्डेरनो हागौ जेंनाया गोबां खम जायो। मुलुगनाडै 19.40 कौटिनि बांसिन सुबुंफोर करना भाइरस सन्डेरजाखांबाय। बिसोरनि 41.59 लाख सुबुंफोरा जिड गोमाबाय आरो 17.61 कौटिनि बांसिन सुबुंफोरा करनानिफ्राय मोजां जाबाय। आधिखालाव सा 1.37 कौटि सुबुंफोर फाहामथाय लागासिनो। बिसोरनि सा 1.36 कौटि सुबुंफोरनाव करनानि एसे एने लोक्षोन आरो सा 82,501 सुबुंफोरनाव करनानि गोब्राव थासारि जाना दड।

## बुहुमआव बिदुडा 3 डिग्री बाडोब्ला 42 कौटि सुबुंफोरा सहायनो हायै जागोन, आर्कटिकनि वरफआ जोवसांगोन: केट'

गोदान दिल्ली, 24 जुलाई: सोलिफु जुलाई दानआव मुलुगनि आलादा-आलादा बाहागोफोराव बोथोरनि गिखंथाव बारहुंखा बारनायखौ नुनो मोन्दों। बेबादि थासारिआ एरैबादि समाव जादों, जाय समाव बिदुडा टेक्नलजी क्रान्तिनि आगुनिखुइ 1.3 डिग्री बांसिन गरम जादों। जुदि बिदुडा 2 डिग्री बाययोब्लाबो 42 कौटि सुबुंफोरा जोबोद गरमजों भुगिनांगोन। आर्कटिकआव वरफआ आबुडैनो जोबलांगोन आरो बिदुडा 3 डिग्री सौहैयोब्ला हमादंसा'हायै सिलिंखार जागोन। फैगौ मुगायाव भारतजों लोगोसे माखासे हादरफोराव जौखोन्डो बिदुडा 3.5 निफ्राय 4.5 डिग्री बांसिन जागोन। मुलुगनि ब्रै



बाहागोन से सुबुं अन्जिमाया बोसोरव से दान गोरन रनस्वावजों भुगिनांगोन। बेनिखायनो पेरिस बोथोर रदाय खानायाव बिदुंखौ 1.5 डिग्री खालामनायनि थांखि लानाय जादों। गहायै ग्रीन हाउस गेसफोरखौ ओंखारहोग्रा आमेरिकाया 2050 आरो चीनआ 2060 सिमाव कार्बन ओंखारहोनायखौ जिर' खालामनो

खोथा होदों। अब्लाबो बिदुंनि बांनया 2 डिग्रीसिम थागोन। बे हमादंनयाव बै नेमखाथिफोरबो दंफायो, जायखौ फोसावनाय जाखांबाय, नाथाय गोहोमाव'लाबोनाय जायाखै। इएनप बोथोर सोलायनायनि हाबा मावग्रा केट'नि बादिब्ला, मुलुगआव ओन्सोलफोरव जौखोन्डोनिखुइ बांसिन बिदुं जानो हागौ। मोनसे

स्टाडिनि बादिब्ला, रासिया, चीन आरो भारतआव जौखोन्डो बिदुडा फारियै 4.5, 3.5 आरो 4.5 आरो 3.5 डिग्री बांगोन। सा आमेरिका, इउरप आरो एसियानि गोजौ बाहागोफोराव गोबां गरम जागोन। आफ्रिका, अस्ट्रेलिया, खोला इउरप, आमेरिका, गेजेर आमेरिकायाव गिखंथाव गरम बोथोरा 2-5 बोसोरनि गेजेराव फैनो हागौ। आधिखालाव बे बादि थासारिआ 100 बोसोरव खेबसे जायो। चीनआव माय, रासियाआव गम आबादनि दिहुन्थाया गोबां खम जागोन। 3 डिग्री बिदुं बांनयाजों 18 कौटिनि बांसिन सुबुंफोरा उखै हाबनाय जेंनाजों भुगिनांगोन।

## टकिय अलिम्पिक आव मिराबाइ चानुआ गिबि मेडेल देरहाजेनबाय

गोदान दिल्ली, 24 जुलाई: भारत आ टकिय अलिम्पिक आव गिबि सिल्भर मेडेल देरहादों। आइजो वेटलिफ्टर मिराबाइ चानुआ भारतन थाखाय 49 कि:ग्रा: केटेगरी आव गिबि टकिय आव सिल्भर मेडेल देरहादों। क्लिन एन्ड जार्कनि नैथि नाजानायाव मिराबाइ आ 115 कि:ग्रा: लिस्थाइ देखानाने गोदाने अलिम्पिक रेकर्ड लाखिनो हादोंब्लाबो चीननि होऊ जिहुई आ गिबि नाजानायाव 116 कि:ग्रा: लिस्थाइ देखानाने बिथानि



रेकर्डखौ सिफायो। मख'नो गोनांदि, चानुनि सिगां 2000 नि सिडनी अलिम्पिक आव

गासै 202 कि:ग्रा: (87 कि:ग्रा: +115 कि:ग्रा:) नि लिस्थाइ देखानां। गलड मेडेल देरहानो हानाय चीननि होऊ जिहुई आ गासै 210 कि:ग्रा: (94 कि:ग्रा: +116 कि:ग्रा:) नि लिस्थाइ देखानां। इन्डोनेसिया नि आइशा बिन्डी केन्टिकाया गासै 194 कि:ग्रा: (84 कि:ग्रा: +110 कि:ग्रा:) नि लिस्थाइ देखानां हानायजों थामथि जायगा आवग्रिनो हायो आरो ब्रन्जनि मेडेल देरहानायाव जाफुंसारो। चानुआ गिबि नाजानायाव 84 कि:ग्रा: नि लिस्थाइ देखानां आरो नैथि नाजानायाव 87 कि:ग्रा: नि लिस्थाइ देखानां। बेनि उनाव थामथि नाजानायाव बियो 89 कि:ग्रा: देखानां ओंखारनायाव फेल्लें जायो। थानाय बोसोरनि माहारियारि सेम्पिनसिप आव बिथाड 88 कि:ग्रा: लिस्थाइ देखानां मोनो हादों। नाथाय बियो बिसोर सानैखौ उन खालामनो हायाखै आरो जानांदोंमोन। बिथानि दासिमनि बांसिन लिस्थाइ देखानाया 87 कि:ग्रा:।

## सुटार सौरभ चौधुरी आ फाइनालाव जायगा आवग्रिनो हाबाय



गोदान दिल्ली, 24 जुलाई: भारतनि सुटि खालामग्रा सौरभ चौधुरी आ आसा खालामनाय बादि दिन्थिफु नाने टकिय अलिम्पिकनि 10 मिटर एयार पिस्टल बादायलायनायनि क्वालिफेक्सन आव गिबि थाखो आव थानाने फाइनालाव जायगा आवग्रिनो हादों। बादायलायनाय आव सा 35 सुटि खालामग्राफोरनि गेजेराव सा 8 सुटि खालामग्राफोरा फाइनालाव जायगा आवग्रिनो हादों। भारतनि अभिषेक बर्मा आ मोजाडै नाजब्लाबो फाइनालाव जायगा आवग्रिनो हायाखै आरो 17 थि सारियाव थादों। थानाय 1 बोसोरव हरिमियारि थाखो आव मोन 8 था सननि मेडेल देरहाखानाय सौरभ आ मोजाडै

दिन्थिफु नाने 6 सिरिज आव 586 स्कर बानायदों, चीननि झां बबेन आ नैथि आरो जार्मनीनि क्रिस्टियान रीज आ थामथि सारियाव थानो हादों। सौरभ आ 6 सिरिज आव गासै 586 स्कर बानायदों हादों। बियो 95, 98, 98, 100, 98, 97 नि स्कर बानायदों हादों। भारतीय सुटि खालामग्रा चीननि झां बबेनजों गोखोयै बादायलायनां दों। बिसोर सानै आ गिबि आरो नैथि थाखो नि रेस आव थाबाय थादों, जेराव भारतीय सुटि खालामग्रा आ देरहानो हादों। झां आ नैथि थाखो आव थादों। जार्मनीनि रे इट ज क्रिस्टियानजों बिसोर सानै गेले गिरि फोरि।

जागायजे न्नाय आव मोजां सेलेन्सखौ मोनो हादों। नाथाय बियो बिसोर सानैखौ उन खालामनो हायाखै आरो जानांदोंमोन। बिथानि दासिमनि बांसिन लिस्थाइ देखानाया 87 कि:ग्रा:।

## टकिय अलिम्पिकनि गिबि मेच आव भारतयारि हकी हान्जाया निउजिलेण्डखौ फेजेन्दों



गोदान दिल्ली, 24 जुलाई: भारतयारि हकी हान्जाया टकिय अलिम्पिकनि जागायनायाव नो मोजाडै दिन्थिफु नो हादों। गिबि मेचनि बादायलायनाय मेच आव निउजिलेण्डनि हेंथायै भारतयारि हकी हान्जाया गोखौ गेलेनां 3-2 गलनि फारागथियाव

देरहासार जानो हादों। ड्रेग फ्लिकर हरमनप्रोट सिं आ भारतयारि हान्जानि जाफुं सारनायनि गोखौ गेलेगिरि। मेच आव केप्टेन मनप्रोट सिं आ गोखौ गेलेनां दिन्थिफु नो हानायजों गरनै गल सोनो हादों। बिथानि गोखौ गेलेनां दिन्थिफु नो नायाव निउजिलेण्ड हान्जाया जोबनायसिम गोखोडै होबथानाने लाखिनो गोनां

जायो। फेंगो रबिबाराखलि भारतयारि हान्जाया अस्ट्रेलिया हान्जानि हेंथायै मेच बादायगोन। मेचनि जागायजे न्नाय बेरेखा हान्जानि केन रसेल आ पेनाल्टि कर्नारखौ गल सोजेनो हानायजों हान्जाखौ आवगायना दोनो हायो। बेनि उनाव भारतयारि हान्जानि गेलेगिरि रुपिन्दर पाल आ पेनाल्टि कर्नारनिफ्राय गिबि पेनाल्टि स्ट्रकखौ लाखियो हायो। रुपिन्दर आ बे खाबुखौ लानाने बलखौ गिबियै गल आव सोनो हानाने मोनने हान्जानि गेजेराव 1-1 गलजों समान-समान खालामो। बेनि उनाव हान्जानि ड्रेग फ्लिकर हरमनप्रोट सिं आ लान्थियै गरनै गल सोयो आरो हान्जाखौ सिगां फासै आवगायनाने दोनो। मेचनि 26 आरो 33 मिनिट आव बिथाड गरनै गलखौ सोनो हादोंमोन।

## कच राहुल द्राबिडुनि थांखि लानायजों टीम इन्डिया आ जेन्दों

गोदान दिल्ली, 24 जुलाई: भारतीय टीम आ श्रीलंकानि हेंथायै मोन 3 मेचफोरनि सिरिजनि जोबथा मेच आव 3 उइकेटजों जेनांदों। गिबिनि खननै बादायलायनायाव देरहानाने भारत आ वानडे सिरिज आव 2-0 जों आवगायनो हादोंमोन। जोबथा वानडे आव जेनानयनि उनाव थो सिरिज आ भारतनि मुडाव थादों। बे मेच आव लाइमोनफोरनि सायाव फोथायनाय दिन्थिनाय कच राहुल द्राबिडुनाय गोहोम गोलैदों। मोन 3 मेचफोरनि सिरिजनि जोबथा वानडे आव भारत आ 43.1 अभावाव 225 रानल' बानायनो हादों। अखा हानायनि जाहोनाव मेचखौ 47-47 अभावाव दोन्थ' नाय जादोंमोन। बेनि फिन जाथाय होनाय आव श्रीलंकानि



टीम आव 39 अभावाव 7 उइकेट खोमानाने देरहानो हादों। थामथि मेच आव कच द्राबिडु आ लोगोसेयै सा 5 गेलेगिरिफोरनो वानडे डेब्यु खालामनो खाबु होदों। बल खुबैग्राया गोदानमोन आरो बेवहाय रावबो आखा-फाखा बल खुबैग्रा गैयामोन। दीपक चाहर आरो भुवनेश्वर कुमारजों

## भारतीय साइलिं प्लेयारफोरा लाइटवेट डाबल स्क्वमनि रेपचेज राउन्ड आव सौहैबाय

गोदान दिल्ली, 24 जुलाई: भारतीय साइलिं प्लेयार अरविन्द सिं आरो अर्जुन लाल जाट आ टकिय अलिम्पिक आव मेन्स लाइटवेट डाबल स्क्वल्स बादायलायनायाव गावनि हीट आव 5 थि थाखो आव थानाने रेपचेज राउन्ड आव सौहैनायो हायो। नैथि हीट आव गेलेनाय भारतीय जरा आ मोन 6 टीमफोरनि बादायलायनायाव 6:40:2 सम नांदों, जेराव सेमिफाइनालाव जायगा आवग्रिनो हायाखै, गोजौ थाखो आव थानाय मोनने टीमफोर आयारलेन्ड (6:25:74) आरो चेक गणराज्यो (6:28:10: आ सेमिफाइनालाव जायगा आवग्रिनो हादों, जेराव पलेन्ड, इउक्रेन, उरुग्वे आरो भारत आ



रेपचेज आ जायगा बानायदों। रेपचेज बादायनाय आ गेलेगिरिफोरा क्वार्टर फाइनाल, सेमिफाइनालाव एबा फाइनालाव जायगा बानायनो हानायनि मोनसे खाबु मोनबावयो। अर्जुन आ बआरनि आरो अरविन्द आ स्ट्राइकारनि बिबान

सामलायदोंमोन। सानैबो 1500 मिटरसिम उन आव दंमोन। नाथाय जोबथा 500 मिटर आव गोखै बादायलाना 5 थि सारियाव थादों। बे बादायलायनायाव सानै गेलेगिरिफोरा मोनसे नाव आव थायो आरो 2-2 बैथाखौ बाहाय नांगौ जायो। साफ्रामबो हौवा

बादायारिनि मेक्सिमम लिस्थायाव 72.5 कि:ग्रा: आरो मिनिमम लिस्थायाव सा 70 कि:ग्रा: जानांगौ। आइजो बादायारिनि लिस्थायाव मेक्सिमम 59 कि:ग्रा: आरो मिनिमम लिस्थायाव 75 कि:ग्रा:म जानांगौ।

## सुर्य कुमार खौ आउट खालामनायाव जेना सोमजिदों




कलम्ब, 24 जुलाई: श्रीलंका आ भारतखौ थामथि वानडे आव 7 उइकेटजों फेजेन्दों। मेचनि समाव सुर्यकुमार यादबनि उइकेटनि सायाव दावरावदावसि जादों। भारतनि बादायलायनायनि 23 थि अभावाव गिबि बल आव सुर्य कुमार आ स्ट्राइक आव दंमोन। स्पिनार प्रवीन नायबिकारमा आ बलखौ खुबैदोंमोन। बिनि अफ स्टाम्पनि बाइजो आव थानाय बल सायाव सुर्यकुमार आ स्पिन खालामनो नाजायो जेराव बल आ बिनि आधिडव नाडें। श्रीलंकानि गेलेगिरिफोरनि आर'ज गावनाय आव फिल्ड आम्पयार कुमार धर्मसेनाया

बिखौ आउट खालामो। सुर्यकुमार आ आम्पयारनि थांखि लानायखौ सेलेन्स होनां डिस्सिजन रिब्यू सिस्टे मखौ बाहायदों। डिआरएसनि बल ट्रेकिंग आव दिन्थिनाय जादोंदि, बल आ इम्पेक्ट आउट साइड दा लाइनमोन। बल आ उइकेटखौ हिट खालामदोंमोन। बलनि इम्पेक्ट आ स्टाम्पनिफ्राय बाइजो आव फे ब्ला, बेयो

जेरावखि थाड मानो बेनि जेबो ओंथि गया। उइकेट हिटिखौ नुनाने श्रीलंकानि गेलेगिरिफोरा रंजादों। बिसोरो सान्ना लादोंदि, उइकेट मोनबाय। सुर्यकुमारबो पेभेलियन आव थांफिनयो। बे समाव नो आम्पयार धर्मसेनाया सुर्यकुमारखौ लेंहरफिनयो आरो गावनि थांखि लानायखौ सोलायनाने बिखौ नट आउट खालामो। बेनि सिगां डिआरएस आव बल ट्रेकिंगखौ नायनाय आव गोबां सम नांदों। ससियेल मिडिय आव श्रीलंका टीमखौ गोबां टूल खालामनाय जादों।

## आर्चर दीपिका कुमारी आरो प्रबिन यादबनि जरा आ क्वार्टर फाइनालाव जेनां बाय



टकिय, 24 जुलाई: टकिय अलिम्पिक आव आर्चर दीपिका कुमारी आरो प्रबिन जाधबनि जरा आ मिक्सड टीम इन्भेन्टि क्वार्टर फाइनालाव जेनां बायजो आ थानांदों। खोला करियानि अन सान आरो किम जी डियकनि जरा आ क्वार्टर फाइनालाव भारतीय जराखौ 6-2 जों फेजेन्दों। करियानि जरा आ फुरा मेच आव मोजाडै दिन्थिफु नो हादों।

गिबि मोनने सेटफोराव दावखलायनायनि उनाव दीपिका आरो प्रबिन आ थामथि सेट आव मोजाडै गेलेयो आरो बिसोरो स्करखौ 4-2 सिम सौहैहोयो। त्रैथि सेट आव दीपिका आरो जाधब आ 33 स्कर खालामो, नाथाय अन सान आरो किम जी डियक आ गासै 36 स्कर खालामो आरो मेचखौ देरहायो। बेनि सिगां दीपिका कुमारी आरो प्रबिन जाधबनि जरा आ मिक्सड

टीम इन्भेन्टि क्वार्टर फाइनालाव चीनी ताहपेनि लिन चिया एन आरो तां चिह-चुनि जराखौ फेजेनाने क्वार्टर फाइनालाव जायगा बानायनो हादोंमोन। मेच आव 3-1 जों उन जानाने थानाय भारत आ चीनी ताहपेखौ 5-3 जों फेजेनाने मोजाडै फर्म आव फेफिननो हादों। मख'नो गोनांदि मोनने सेटनि उनाव चीनि ताहपेनि टीम आ 3-1 जों आवगायनो हादोंमोन। बेनि उनाव थामथि सेट आव भारतीय जरा आ 4 पारफेक्ट 10 स्कर खालामनो हादों। टाइ-ब्रेकर देरहानो थाखाय भारतनो 2 पारफेक्ट 10 स्कर नांगौमोन। दीपिका कुमारी आरो प्रबिन जाधबनि जरा आ डीलखौ सिल खालामनो थाखाय खनने 10 पारफेक्ट स्कर खालामनाने देरहादों।

## टकिय 'इलिम्पिक 2020 आव चीन हादत आ गिबि मेडेल देरहानायाव जाफुंसारनो हादों

गोदान दिल्ली, 24 जुलाई: मेचनि महाकुम्भ अलिम्पिक आ मावख' आरि महैरै थानाय 23 जुलाई एबा शुक्रबारनिफ्राय जागायजेनबाय। टकिय' अलिम्पिक मेच जागायनायनि नैथि सानाव नो मेडेल देरहानायबो फेबाय। चीननि सुटार आ हादतनि थाखाय गिबि मेडेल देरहानो हानायजों टकिय' अलिम्पिक 2020 नि नैथि साननि बादायनाय मेच आव चीन आ



मेडेल देरहानायजों जागायो। सुटि खालामनायाव चीननि

जानायां कुवान आ मोजाडै दिन्थिफु नो हानायजों गलड मेडेल देरहानो हायो। बिथाड आइजोफोरनि 10 मिटरनि एयार राइफलनि फाइनाल आव 251.8 स्कर खालामनो हानायजों गलड मेडेल देरहानो हायो आरो अलिम्पिकनि बे सुटि इन्भेन्टि गिबियै रेकर्ड लाखिनो हायो। चीननि उनाव रासियानि सुटार आ नैथि जायगा आवग्रिनो हानायजों सिलभर मेडेल देरहानो हानायव जाफुंसारदों। रासियानि सुटार आनासटसिया गालासहिनाया 251.1 स्कर खालामनो हानायजों हादतनि थाखाय गिबि मेडेल देरहानायाव जाफुंसारना फेयो। सुइजारलेन्डनि टीम आ थामथि जायगा आवग्रिनो हानायजों ब्रन्ज मेडेल देरहानो हायो। हादतनि नेना क्रिस्टेय आ 230.6 स्कर लाखिनो हानायजों हादतनि थाखाय गिबि मेडेल आवग्रिनो जाफुंसार जायो।